

حباب نسائية



منى ياسين

دان کورس
دار لیلی

بابک فردوسی
میراث

منى ياسين (موناليزا)
"خبيا نسائية"

كيان كورب للنشر والتوزيع

(دار ليلى)



رقم الإيداع: 13034/2012

© جميع الحقوق محفوظة . واي اقتباس أو تقليل أو إعادة طبع - دون موافقة كتابية - يعرض صاحبه للمساءلة القانونية.

الترقيم الدولي: 978-977-5238-40-5

الكتاب:

خبايا نسائية

المؤلف:

مني ياسين (موناليزا)

الغلاف:

خالد فرج

الإخراج الفني:

حسام سليمان

التدقيق اللغوي:

محمود الغرباوي

★★★

ادارة التوزيع:

عبد الله شلبي

الإشراف العام:

محمد سامي

★★★

المهندسين-23 شارع السودان-تقاطع مصدق-الدور الرابع-مكتب 11

هاتف: (002) (012) 23885295 - (002) (02) 33370042

البريد الإلكتروني: www.darlila.com الموقع الرسمي: mail@darlila.com

منى ياسين (موناليزا)

"خبايا نسائية"

كيان كورب للنشر والتوزيع
دار ليلى

مقدمة الناشر

كانت دار ليلي (كيان كورب) منذ ما يزيد عن ٤ سنوات، قد أطلقت مشروعها (النشر للجميع.. ولن يستحق) والذي نال استحسان الكثير من المواهب وقتها، والتي أصبح البعض منها كتاباً محترفين بعد ذلك، أو توجهوا لمشروعات ثقافية متنوعة، لعوا من خلالها..

ومع ازدياد كم الأعمال التي يبدعها الشباب - خاصة بعد ثورة يناير العظيمة- وفي ظل الظروف الحالية التي تمر بها مصر، أصبح سوق النشر والتوزيع في حالة ضعيفة، خاصة مع استمرار ازدياد أسعار الخامات، وإحجام كثير من دور النشر على ممارسة نشاطها بتوسيع، وضعف القدرة الشرائية للقارئ المصري، كذلك صارت عملية النشر محفوفة بالمخاطر، التي تخيف طرفيها - الناشر والقارئ - على حد سواء.. وكانت الدار نفسها من الدور التي تأثرت - وبشدة- اقتصادياً، ومع اضطرارها لإغلاق باب تقديم الأعمال، فكرنا في حل بديل، هو النشر لن يستحق.. وتطورت الفكرة كثيراً، إيماناً من دار ليلي (كيان كورب) بأهمية الحركة الثقافية، وحرصاً منها على استمرارها في دورها، وإيماناً منها - كما عهدموها- بالشباب الوهوب..

لذا فقد قررت الدار إحياء مشروعها "النشر لن يستحق لفترة محدودة هذا العام، وعلى مراحل، وبشكل استثنائي، لعل ذلك يحرك المياه الراكدة.. آملين أن يحقق ذلك مجموعة نتائجها، على رأسها:

- توفير الفرصة للراغبين في النشر أن ينشروا أعمالهم، وأيضاً عبر دار نشر لها اسمها والله الحمد، مع كبار الكتاب.
- تحقيق الأمان الاقتصادي للكاتب، حيث يضمن عودة ما دفعه بعد عام واحد، مع هامش ربح خفيف، إضافة للغرض الأسماى، وهو أن يرى أعماله منشورة.
- تحقيق المصداقية والوضوح بين الناشر والكاتب، عبر شكل وبنود العقد الذي يعتمد على حماية الملكية الفكرية، كما هي عادة عقود دار ليلى.
- توفير عناوين جديدة ذات قيمة للسوق المصري، الأمر الذي يخدم العملية الثقافية.

ندعو المولى عز وجل أن يكلل مجده وادتنا بالنجاح، وأن ينال مشروعنا رضاكم، وكلنا ثقة بأن كثير من الأسماء التي تنشر من خلال هذا المشروع ستصبح - مثل سابقيها - بإذن الله من اللامعين في مجالات ثقافية عدّة.

الناشر

إهداء

- إلى قرائي الأعزاء الذين كان لهم الفضل في تشجيعي على الاستثمار في كتابة سلسلة «خباراً نسائية».
- إلى كل من شجعني على الاستثمار.
- إلى من دعمني ولم يخذلني.
- إلى من وقف جواري في أزماتي.
- إلى من حاول كسرى يوماً فكانت طعناته حافزاً لي للوقوف مجدداً.
- إلى مُلهمي ومصدر سعادتي.. شقيقتي محمد ياسين.
- إلى صديقاتي الغاليات.
- إلى ابنتي التي لم أنجبها بعد.
- إلى كل أنشى مجريحة.
- إلى من تظن أنها وحيدة لا يشعر بألمها أحد.
- إلى رمز العطاء والتغافلي.. أمي الحبيبة.

موناليزرا ،

مقدمة

الأنثى..

اللغز الذي استعصى على كثير من الفلاسفة فهمه..
الكائن الذي يختار الرجال في كيفية التعامل معه بالطريقة المثلثي..
الأثنى..

المكون الأساسي في حياة كل رجل: أمه وأخته.. زوجته وابنته..
جدته وخالتة وعمتها..

التكوين الذي تكتمل به الصورة.. جارة أو قريبة أو زميلة.. صديقة
أو حبيبة..

أضع بين أيديكم الآن بعضاً من «خبايا النساء»..
نساء تختلف أعمارهن.. وثقافاتهن.. وحالاتهن الاجتماعية..
خبايا مشاعرهن في مواقف متنوعة ومتباينة.. تلك المواقف التي قد

تتعرض لها المرأة دون أن يعيّرها الرجل اهتماماً أو ينتبه إلى ما وراءها..
تنبع الموقف هنا. تتمايز عن بعضها.. وتتعدد بطلاتها..

لكن يجمع بينها خيط سحري.. هو مشاعر الأنثى..
وقت الحب والكره، وقت الغضب والرومانسية، وقت الانتقام
واللامبالاة.

في رحلة شائقة سنبحر في أعماق المرأة ونغوص بداخلها لنسنترج
لآلئ من خبایاها..

سنعرفها عندما تحب بعنف، وتكره بقسوة، وتتألم في صمت،
وتفرضى بصبر، وتشكر برضاء، وتشعر بصدق، وتحزن بوجع، وتصمم
بكيرياء، وتتحدث ببراءة، وتفرح بعفوية، وتحزن بقهر، وتنجح بصخب،
وتفشل بمرارة، وتلهو ببراءة، وتستمع بتلقائية، وتنتفقم بدھاء، وت بكى
بحرقـة، وتضحك بطفولة، وتخجل بحياء، وتشتهي بجرأة.

لعلنا بعد هذه الرحلة غير التقليدية نصل إلى شاطئ مشاعرها الفياضة
فيسهل التعامل معها من قبل الرجل الذي يحيا في محيطها فلا يغرق في
تفاصيل تفكيرها.

شكر خاص للكاتب والروائي الأستاذ ماجد القاضي صاحب مدونة
«هكذا عاملتني الحياة». .

لولاه ما خرج هذا العمل إلى النور؛ فهو من اقتراح علىَّ فكرة نشر
الكتاب ومن ساعدني في التعديل والإضافة.

كان لي نعم الآخر النصوح ولم يدخل علىَّ بشيءٍ من فِكره ووقته ..
فجزاه الله عنّي خيرًا..

قالوا عن «خبايا نسائية»

مصطفى سيف:

مواقف وخبايا كتبتها بإحساس أنثى قبل أن يكون قلم أنثى..
 فوصلت إلى عقولنا كي نفهم كيف تشعر الأنثى في تلك المواقف..
 تملكين قلما يستطيع أن يعبر عن قلب وعقل أنثى..
 أحاسيسك صادقة وكلماتك بلغة..
 أحب جدا «خبايا نسائية» فهي كلمات قلب وعقل..
 وفلسفة قد تغيب عنا..
 استمرى في عرض الخبايا..
 تحياتي لك.

نور الدين محمود:

هذه ليست خبايا نسائية.. بل جرس إنذار لكل رجل: احذر؛
 فتحت الجليد يرقد البركان.. ولا يغرنك طائع الأشياء فليس تحت أديم
 السماء شيء لا يتبدل..
 تحياتي بعمق حرفك..

محمد محمد عماره:

سلسلة «خبيا نسائية» أثبتت أن النساء بحر بلا قرار لا يمكن الوصول إلى قراره ويبقى في عداد المجهول؛ فالتناقضات العاطفية والتقلبات الانفعالية السريعة من سمات النساء.

إبراهيم رزق:

طبيعة وعميقة ومؤثرة..
أهل مكة أدرى بشعابها وأنتن أدرى بشعابكن..
تحياتي لفكرك وأدبك.
لنس أحمد نور:

دائماً ما تتولد داخلي سحب متباعدة من المشاعر من جراء قراءة الخبيا التي تحكينها.

وبقدر ما تتعبني بقدر ما أحببتك إليها بصدق وأشد على يديك أن استمرى..

هبة فاروق:

خبيا واقعية، بعضها مفرح وبعضها مؤلم..
آلتني بعض العبارات جداً وأثرت فيّ..
جميلة جداً خبياًك أيتها الرائعة..
وضعت بصمة رائعة في عالم التدوين بخبياًك المميزة..

عارف يعني إيه؟

عارف يعني إيه أقولك أنا ماشية؟ يعني مش هبس ورايا.

* * *

عارف يعني إيه أفكر أخلع دبلتك؟

عارف يعني إيه دموعي تنزل بسببك؟

يعني خلاص سيادتك بتلعب في النهائيات وقدامك فرصةأخيرة..

* * *

عارف يعني إيه سني يتأخر في الجواز عن كل اللي حواليا؟

يعني أسماء ولادي اللي اخترتها زمان بقت خلاص أسماء ولاد ناس

تانيين.

يعني الحاجات اللي اشتريتها في جهازي بقت خلاص موضتها

قديمة.

يعني ما عادش عندي وقت أضيعه في خطوبة طويلة أدرس فيها
العربي كوبيس.

يعني البنات اللي أصغر مني يبقو أمهات وأنا لسه بالنسبة لهم
قاصر.

يعني لازم أحترم سني في كل حاجة بقولها أو بعملها.

يعني بتوجعني أوي لما حد بيتص في إيدي ويقولي مفيش جديد..

* * *

عارف يعني إيه تتسبب في دموعي وما تشوهاش؟

يعني مساحة القرب اللي اديتها لك انت استغليتها في أولي.

يعني بشكر جسمي الذي لم يخذلني ولم يذرف دموعي أمامك على
الرغم من بكائي الصامت.

* * *

عارف يعني إيه اللي يفصل بيني وبينك بحر هائج وعلشان أوصلك
أرمي نفسي فيه بعد ما كل الجسور اتكسرت؟ يعني نسبة نجاتي لا تذكر.
تفتكر إن بعد كل اللي عملته معايا تستاهل إني أخاطر بحياتي
علشان أوصلك؟!

* * *

عارف يعني إيه كرهتني في كل حاجة بحبها؟

يعني خلاص ما عادش فيه حاجة فارقة معايا.

* * *

عارفة يعني إيه لما تبعتيلى «كلمني شكراء» وأنا أتصل بيكم وانتي شبكة محمولك غير شبكة محمولي لمجرد إني أسمعنك وانتي متضايقية وبالمقابل يوم ما تحددي معاد فرحك ما تفكريش تتصلين بي تعرفيني لأنك مش معاكِ رصيد؟!

عارفة يعني إيه ما تتصليش بي غير لما أغير شبكة محمولي عشان تكون نفس شبكة محمولك لتصبح معكِ دقائق مجانية تتصلين بها فقط لتبني لي شکواكِ وهوموكِ؟!

عارفة يعني إيه يبقى فيه عرض لمدة شهر كامل ومعاكِ في كل يوم ساعة مجانية وبعدى الشهر وملاقيش منك اتصال واحد؟!
يعني خسارة أي قرش دفعته في أي مكالمة أجريتها مخصوص عشان أطمن عليكِ.

* * *

عارف يعني إيه أوفق على زواجي منك وانت تطلقني غيابي؟ يعني اعتقدت - خطأ - إنك تقدر تحميني وتحافظ عليَّ.

* * *

عارف يعني إيه أرجع أقف على رجلي تاني من غير عواكيز ومن
غير ما أنسد على حد؟

عارف يعني إيه ربنا يشفيني من غير طبيب؟ يعني لو سجدت لله
عمرى كله مش هو في شكر نعمته عليّ.

* * *

عارفة يعني إيه أمسح رقمك من عندي؟ يعني يوم ما تتصلني عليّ وأنا
ما أردش عليكِ ده مش هيكون تجاهل مني ليكِ.. ولكن لأنني ما بردش على
أرقام غريبة.

* * *

عارف يعني إيه أبقى عايزه أتكلم معاك وأعرفك ده وأنت ما
تهتمش؟ يعني بتخسر حاجات كتير جوايا.

* * *

عارف يعني إيه وافتت عليكِ؟ يعني منتظراك تكون سبب في
سعادتي.

* * *

عارف يعني إيه أقولك إنني تع班ة ومحتجالك وانت تحس بده في
صوتي لكن برضه تفضل بعيد.. يعني ندمانة إنني ببنت لك ضعفي من غيرك.

* * *

عارفة يعني إيه صاحبتي؟

يعني أشتمنك براحتي وانا عارفة انك مش هترعلي مني..

يعني تستحمليني في غضبي وفي مرضي..

يعني مهما أبعد عنك تجبي لي أعذار..

يعني مهما أغيب وارجع أبقى عارفة ان لسه لي عندك مكان.. يعني

مهما اختلفنا هتفضلي حبيبتي..

* * *

عارف يعني إيه غير اسمك من اسم الدلع اللي اخترتلهوك وسميتك

بيه على موبايلي لاسمك الثنائي؟ يعني وصولك لسلة المحذوفات أصبح قيد خطوة..

* * *

عارف يعني إيه بعد ما كنت بستمتع بكتابة اسمك وأشعر بالفخر

وأنا بصوره وأشيله على صدري بانتماء ولوقتي لم يعد يعني لي اسمك شيئا؟ يعني اسمك ما عادش يلزمني.

* * *

عارف يعني إيه أقولك «حاضر» عن طيب خاطر وأنا أصعب كلمة

ممكن أقولها هي «حاضر» بس علشان أرضيك؟

عارف يعني إيه معاك أكون ست بيت شاطرة وأنا بنت الأكابر اللي
عمرها ما عملت حاجة والأكل كان بيجهلها جاهز لحد عندها.. وبرضه ما
كنتش عاجباك؟

عارف يعني إيه تبعتنى مشاورير لأماكن رديئة لوحدي تماماً وأنا
بنت الناس اللي مش وش بهدلة اللي ليها عربية بسائق مخصوص بس
علشان أثبت لك إني قد المسؤولية؟
وفي الآخر تتهمني إني عمري ما نفذت كلامك.
يعنى بجد أنا كنت خسارة فيك..

* * *

عارف يعني إيه تغصب عليّ إني اعتذر لحد أنا ما غلطتش فيه عشان
خاطرك؟

يعنى خلتني أحس إنك عرتنى وقلت لي روحي هيترجوا عليكى
شوية وهترجي تانى.
يا ترى واصل لك إحساسى باللي خلتني أعمله علشانك.. وقد إيه ده
كسر جوايا حاجة كبيرة أوي تجاهلك؟

انهيار دمعة

وكانة أبنائي لا يكتملون.. فها أنا أمر بنفس التجربة للمرة السادسة.. أفقد جنبي قبل أن يكتمل نموه.. أعيش لحظات المخاض بلا طفل في النهاية.. أضم ساقَيْ لجسمي بقوّة لعلي بهذا أحافظ عليه بداخلي أكثر.. ما يؤلني أن في كل مرة يكون بداخلي أمل يزيد يوميا بطول فترة الحمل وتبقى النهاية واحدة: «الموت»..

ما يزيد حيرتي عدم معرفتي للسبب.. هل بيضة رحمي غير خصبة كفاية لتحافظ عليه.. أم أن حبي الزائد له يجعلني أفقده؟ حقا لا أدرى..

* * *

لو بآيدي يا أمي كنت أجمع فرح العالم كله وأهديهولك..

* * *

سحقا لعلم لم يتمكن من اختراع لغة أفهم بها سبب صراخ رضيعي.

ترى هل أصحابك وعكة صحية أم هناك مغص يؤلك أم هناك حشرة
حقيقة قامت بإيذائك؟

لا تعلم أن صراخك يؤلمني ويوترني ويؤثر كثيرا على أعصابي.. فعذرا
صغيري إذا بكيت لصراخك فأنا لا أعلم ماذا يؤلك، ورفقا بي فأنا لا أتحمل
رؤيتك هكذا..

* * *

أنا آسفة يا ماما.. عارفة إن مش أنا البنـت اللي اتنـتـيهـا
ودعيـتي رـبـنا يـرـزـقـكـ بـيـهـا.. كـانـ نـفـسـكـ نـكـونـ قـرـيبـيـنـ منـ بـعـضـ لـدـرـجـةـ
الـصـادـقـةـ وـكـانـ نـفـسـكـ أـكـونـ سـتـ بـيـتـ شـاطـرـةـ تـسـاعـدـكـ وـكـانـ نـفـسـكـ فيـ حـاجـاتـ
تـانـيـةـ كـتـيرـ بـتـشـوـفـيـهاـ فيـ غـيـرـيـ وـمـشـ لـقـيـاهـاـ فيـ.. بـسـ غـصـبـ عـنـيـ ياـ أـمـيـ
ترـبـيـتـكـ لـيـ هـيـ الـلـيـ خـلـتـنـيـ كـدـهـ..

* * *

- رـجـعـوهـاـ لـيـ لـيـ؟ـ ماـ قـتـلـوهـاـشـ لـيـ؟ـ

- دـهـ بـدـلـ ماـ تـقـولـيـ اـغـتصـبـوـهـاـ لـيـ؟ـ

- اـغـتصـابـهـمـ لـيـهـاـ مـشـ مـحـتـاجـةـ أـعـرـفـهـ لـأـنـهـاـ بـايـنـةـ أـويـ.. يـمـكـنـ عـلـشـانـ
ماـ عـنـدـهـمـ رـحـمـةـ وـلـاـ قـلـبـ وـلـاـ دـيـنـ وـلـاـ خـوفـ مـنـ الـلـيـ خـالـقـهـمـ.. يـمـكـنـ
عـلـشـانـ خـدـواـ مـنـ الـحـيـوـانـاتـ أـسـوـاـ مـاـ فـيـهـمـ وـهـوـ شـهـوـانـيـتـهـمـ الـهـمـجـيـةـ رـغـمـ إـنـ

الحيوانات ما بتغتصبش حد.. وكده أنا هظلم الحيوانات.. عشان كده مش مستغيرة من اللي عملوه فيها، أنا مستغيرة ليه سابوها كده وما كملوش عليها..

دبحوها وهي حية واستخسروا يكملوا عليها ويريحوها ويفصلوا رقبتها عن جسمها.. هما كده سايبين رقبتها متعلقة لا هي مفصولة عن جسدها ولا هي ملتصقة تمام اللتصاق بالجسد.. ده حتى حرام.

بنتي هتعيش طول عمرها بالعار اللي شافته والقهر والذل والظلم اللي حست بيها.. بقت خلاص حكاية الناس بتحكيها.. الناس هتبص لها إزاي؟ وهي هتستحمل نظراتهم لإمتى؟ حتى اللي ببيجي يخفف عنها بيبقى عايزة تحكي ويعرف التفاصيل وكأنه بيترجع على فيلم مثير.. أروح فين بس يا رب؟ لولا الحرام كنت قتلتها.. مش عقاباً ليها أنا بس عايزة أريحها وأشيل رقبتها خالص بدل ما هي متعلقة كده وفرجة لللي بيسوى اللي ما بسواش..

* * *

يا حبيبتي يا ماما.. هتفضلي حارمة نفسك من كل حاجة علشاني
لغاية إمتنى؟

بتجهزي فيّ من صغرى ولغاية دلوقتى لسه ما اتجوزتش.

صعبانة علىًّا أوي وانتي مش راضية تستخدمي الغسالة الفول
أوتوماتيك بدل الغسالة اليدوية علشان عاينها لجهازي رغم إنك مش عارفة
أنا هتجوز إمتنى.. بقى لها 10 سنين في كرتونتها وبتحايل عليكي
تستخدميها بدل تعبك في كل غسلة وبرضه مش راضية..
حتى أكياس الزباله بتعينهالي.. وبتحط زبالتنا في أي كيس أبويا
يكون جايب فيه حاجة.

يارب أنا عايزه أتجاوز بس علشان أمي تفرح.. وتطلق سراح الأشياء
التي أخشى أن يصيبها الكسداد من جرّاء طول المدة المحفوظة فيها.

* * *

- مش معنى أن طببتي سمحت لك بقص الحبل السري الذي كان
يربط بيني وبين وليدي طوال تسعه أشهر قضاها بداخلي طول فترة الحمل
أني سأسمح لك بقطع رباط الوصال بياني وبينه حينما تأخذه معك ليشاررك
غرِّبك.

فما لا تعلمه أبني صممته على إنجابه مهما كلفني هذا من مخاطر
صحية حتى لا أكون وحيدة.

فقد سمحت لرجال أغраб عنِّي يُدعون أطباء أن يرونني عارية كي
أستطيع ولادته.

وقد حُرمت الحركة طوال فترة حملي كي أحافظ عليه..
وقد قللت من فترة نومي بعد ولادتي له كي أرعاه أطول فترة ممكنة.
كل هذا فعلته وحدي فهو كان سندى ورجلٌ في غربتك المستمرة.
والآن وبعدما صار رجلاً تأثي بكل سهولة لتجذبه معك في الغربة.
هذا لن يحدث.

كنت أعلم أن هذا اليوم سيأتي وستطلب مني أن تأخذه معك ، ولذلك
صممت يوم ولادتي أن تحضر معي في غرفة العمليات حتى تشهد كم معاناتي
في إنجابه.. وكم أنتي أحق به منك.

نعم هو بذرتك التي زرعتها بداخلي ، لكنني أنا من حميتها ورعايتها
وحافظت عليها حتى تصير ناضجة وليس من العدل أن يكون جزاء فناء
عمرني في رعاية بذرتك سواء بداخلي أو خارجي أن تأخذها مني وتتركني
مُهملة وحيدة.

اغتيال فرحة

يعني إيه ابني مات؟!

يعني مش هشوفه تاني؟!

يعني مش هستناه يرجع لما يتأخر؟!

يعني مش هصحي من بدرى أجهز له الفطار واطمن عليه وهو رايح

يمتحن؟!

يعني مش هفرح لما نتيجته تبان والأقيه ناجح وطالع الأول؟!

يعني مش هتصل بيه على الموبايل وهو يكتنس عليّ ولما أعتابه يقولي

كنت واقف مع أصحابي؟!

يعني مش هفرح معاه لما الأهلي ياخذ الدوري ونغيظ أخته علشان هي

زملاوية؟!

يعني مش هلاقي أوضته متبهدة مكان مذاكرته؟!

يعني مش هلاقي ورق المذكرات في غرفة الصالون وتحت كنبة
الأنتريه؟!
 يعني موبايله مش هيرن تاني بالنغمة الغريبة اللي كنت بقوله دايما

يغيرها؟!

الخلاصة إن قلبي هيفضل محروق العمر كله إلى أن الحق به.

* * *

ما أصعب أن تشعر المرأة بأنها وردة لا يشتهيها أحد.
لكن الأصعب أن تشعر المرأة بأنها وردة قد تم قطعها وأخذ رحيقها ثم
أُلقيت على الطرقات ليذوسها المارة.

* * *

يعني يوم ما تقابل حد يحبها بجد يطلع مريض نفسي ونزيل
مصححة..

* * *

نظرت لرزمة النقود في يدها وانفجرت في البكاء.. فهذا هو المبلغ
الزهيد الذي أقره القاضي لها كنفقة متعة بعد عام من صدور الحكم.
«عيديك هدوا حقي يا رب».. هو أنا رخيصة أوي كده؟!
مسحت دموعها وتساءلت بغضب: «وده بقى تمن معاشرته لي ولا

تمن خدمتي ليه؟! أنا لو كنت بعut نفسى كنت هبيعها بأكتر من كده.»

* * *

مش هتوه عن إحساسى بيـك.. فيه حاجة متغيرة فيـك.. أكيد فيه واحدة تانية في حياتك.. لكن مين دي اللي قدرت تغيرك على رغم حبك الكبير لي.. إزاى سمحت لها تقرب منك؟ طيب هتفضل كده لغاية إمتى؟ خايفـة أـسـالـك مـالـك ويـكون إـحـسـاسـيـ صـحـ وـتـقـولـهـاـلـيـ.. ياـوـيلـهـاـ منـيـ لو عـرـفـهـاـ.. لـكـنـ هيـ ذـنـبـهـاـ إـيهـ؟ ماـأـنـتـ أـكـيدـ الليـ عـشـمـتـهـاـ..
ربـناـ يـهـدـيـكـ.

* * *

- أنا قررت أسافـرـ.

- ياـاهـ.. هوـأـنـتـ لـسـهـ هـتـسـافـرـ؟! ماـأـنـتـ بـقاـلـكـ كـتـيرـ بـعـيـدـ عـنـيـ وـماـ بشـوـفـكـشـ ولاـ بـتـكـلـمـ معـاكـ ولاـ كـأـنـتـاـ عـاـيـشـيـنـ معـبعـضـ.. عـايـزـ تـسـافـرـ سـافـرـ..
مشـ هـمـنـعـكـ زـيـ كلـ مـرـةـ، عـلـىـ الـأـقـلـ هـيـبـقـيـ فـيـهـ سـبـبـ لـبـعـدـكـ عـنـيـ.

* * *

سامـعـةـ هـمـهـمـاتـكـ الـبـاـيـخـةـ منـ أـوـلـ لـحظـةـ بـتـدـخـلـ فـيـهـاـ أـوضـنـتـنـاـ..
سامـعـةـ تـأـفـكـ منـ كـلـ حاجـةـ.. سـامـعـةـ كـلـ حاجـةـ بـتـقـولـهـاـ وـانـتـ رـايـحـ
تنـامـ.

وسايباك تفضي شحنتك السلبية على كل حاجة ما بتقدرش تقولها
قادامي وبيستمتع اني عاملة نفسى نايمة.
مع علمي إنك تقصد إني أسمع ولا ما كنتش تكلم نفسك بصوت
عالٍ.. لكن مش هتخانق معاك ولا هعلق على أي حاجة انت بتقولها طالما لم
تواجهيني.

* * *

– انتي اختارتي غلط.
– بس أنا ما اختارتتش.. أنا زي اللي اتقدم لها عصير شكله حلو
فشربته من غير ما اعرف إنه مُسمم.

* * *

عارفة إيه الفرق اللي بيبني وبينك؟
إني كنت بتعامل معاك على اعتبار إنك أختي يعني شيء أساسى في
حياتي..

لكن انتي بتعامليني معايا على اعتبار إني قريبتك وبس..
ولذلك صدمتني فيكي كانت أكبر من إني أتحملها.
فاكرة يوم فرح أخويها اهتميت بيكي وقتها إزاى؟ وفاكرة يوم فرح
أخوكى تجاهلتني وقتها إزاى؟!

فاكرة يوم ما عملنا الحادثة سوا أنا جيت على نفسي وبقيت أجيلك
وأخفف عنك رغم إني كنت في أمس الحاجة برضه للي يخفف عنـي .. بعدها
انتي خفيتي لكن أنا حالي اتنكسـت .. توقعـتك وقتـها هـتكـوني أقربـ حدـ ليـ
مش علشـان تـردي الجـميل لكن عـلشـان المـفروض إنـنا قـرـيبـين منـ بعضـ.
فاكرة اـني كنتـ لما بـعـطـسـ حتـى بـقولـكـ وـانتـي مـعـرفـشـ عنـكـ أيـ حاجـةـ
إـلاـ بالـصـدـفـةـ.

فاكرة لما كنتـ بـجـيـبـ لكـ هـدـيـةـ وـاـنـاـ جـاـيـةـ منـ المصـيفـ وـاـنـتـيـ يـوـمـ ماـ
جيـتـيـ منـ سـفـرـكـ ماـ فـكـرـتـيـشـ تـجـيـبـيـ ليـ حاجـةـ زـيـ ماـ جـيـبـيـ لـصـحـبـاتـكـ.
كـنـتـ مـعـاـكـيـ فـيـ أـفـرـاحـكـ وـأـحـزـانـكـ وـأـنـاـ عـمـرـيـ ماـ لـقـيـتـكـ لـاـ فـرـحـيـ وـلـاـ
فيـ حـزـنـيـ.

كـنـتـيـ بـتـعـتـبـرـيـنـيـ وـصـيـفـتـكـ الـلـيـ هـتـلـاقـيـهـاـ مـعـاـكـيـ دـايـماـ وـلـاـ استـغـنـيـتـيـ
عنـ خـدـمـاتـهـاـ طـرـدـتـيـهـاـ بـذـوقـ..ـ وـأـنـاـ كـنـتـ مـفـكـرـةـ إـنـكـ بـتـعـتـبـرـيـنـيـ أـخـتـكـ.
ياـ تـرـىـ إـيـهـ الـلـيـ غـيـرـكـ كـدـهـ:ـ زـوـاجـكـ وـلـاـ غـربـتـكـ وـلـاـ ظـرـوـفـيـ الـلـيـ بـقـتـ
وـحـشـةـ..ـ

وـلـاـ اـنـتـيـ أـصـلـاـ كـنـتـيـ كـدـهـ وـأـنـاـ الـلـيـ ماـ كـنـتـشـ وـاـخـدـةـ بـالـيـ لـأـنـ ماـ كـانـشـ
فـيـهـ مـوـقـفـ يـخـلـيـنـيـ آـخـدـ بـالـيـ؟ـ!

* * *

لازم يفهم إن بعد معاملته الجافة لي وتجاهله المتعمد لي إني لو ما
خنتوش في الواقع فطبيعي أخونه في خيالي وحتى لو ما قدرتش أخونه في
خيالي فأكيد هتمنى غيره يشار肯ني حياتي.. أنا مش حجر.. أنا بشر..

* * *

ما زلت أسأل نفسي : لماذا كل من أعطيتهم من وقتى ومشاعرى
وأحلامى بل ودعائى أيضا لم يتذوقوا عن بييعي بأى رخص الأثمان؟!

* * *

بقي في الوقت اللي كان كل تفكيري وتركيزي ودعائي إزاي أقدر
أسعدك.. كنت انت بتتفكر إزاي تئذيني؟!

* * *

وأنا كنت مصداقك ونسيت إنك كذاب.

صدقتك لما غلطت في اسمي يوم كتب كتابنا وناديتنى باسم واحدة
تانية.. ولما سألتكم قلت لي إن عمرك ما عرفت واحدة بالاسم ده ونسيت إن ده
اسم زوجتك الأولى.

صدقت إنك نسيت زوجتك الأولى ونسيت إنك لسه محتفظ بصورها
ورسائلها وهدایاها، وكمان دبلة زواجكم.

صدقت إنك كرهت زوجتك الأولى ونسيت إنك كنت عايزني أكون

نسخة منها.

صدقت إن دبلة زواجنا واسعة عليك ونسبيت رفضك بأنك تضيقها
لتصبح على مقاسك.

صدقت إنك خدت أجازة يومين لزواجهنا ونسبيت إن زواجهنا كان في
العيد وطبيعي كان في عطلة رسمية.

صدقت إن حياتنا هتكون مستقلة ونسبيت إن أمك هتعيش معانا في
نفس الشقة.

صدقت إنك بتحبني ونسبيت نظرة كراهيتك لي.
صدقتك في حاجات تانية كتير ونسبيت أصدق إحساسي.

* * *

اشترى زوجها «موبايل» جديدا فأرادت أن ترى هل ما زال يسميهما
«ضحكة عيون حببي» أم أنه اختار لها اسما آخر.

وبالفعل وجدته غير اسمها لـ«ندي» فهذا هو اسمها الفردي في
البطاقة.. غضبت ولكنها كتمت هذا.. فهي لم تشعر بحبه لها قط والآن أصبح
الأمر صريحا.. لكن عليها أن تحافظ على حياتها الزوجية فابتلعت إحساسها
المهين.

غيرت اسمها إلى «زوجتي» وأعطت له موبايله ورنّت عليه مبتسمة.

- إيه ده؟ إنتي إزاي تغيري الاسم؟

- وانت إزاي تكتب اسمي زي أي اسم عندك؟ وبعدين أنا ماغيرتش
لـ«حبيبتي» أو «حياتي» لأنني عارفة كوييس إني لا حبيبتك ولا حتى جزء من
حياتك، لكن اللي متأكدة منه إني لسه لغاية دلوقتي زوجتك.. وده اللي
حاولت أفكرك بيها لما تشووف اسمي على موبايلك.

- انتي أنانية ما بتفكريش غير في نفسك.. ومتش مهم لو حد شاف
اسمك وانتي بتتصلي عليّ.

- انت محسسي إني عشيقتك مش مراتك.. المفروض الوحيدة
المسموح لها تشووف مين اللي اتصل عليك هي أنا.. مش صحابك في الشغل..
وبعدين فيها إيه لما زوجتك تتصل عليك وهما يعرفوا ده؟

- فيها إن محدش يعرف إني متزوج أصلاً!

- وهذا كانت الطامة الكبيرة والقشة التي قسمت ظهر البعير.. لم
تعلق واكتفت بالصمت.. فلا شيء ممكن أن يقال في موقف كهذا، لكنها
غيرت اسمه في موبايلها من «my life» إلى «no thing».

* * *

لم تشعر لحظة بندم الفراق.. لم تشعر لحظة بوجع البعد.. لم تواجه
نفسك لحظة بأنك بالفعل جرحتني..

ترىدني الآن لسبب لا أعلمه لكنني أعلم بأنك قط لم تحبني.
ليتنبي شعرت بصدق ما تدعي .. ليتك حقاً اشتريتني.
ليتنبي لم أتعرف عليك يوماً.. ليتك لم تدخل حياتي قط.

* * *

بتعاملوا معايا بحرص وخوف وكأني وباء.. تخشون أن تأكلوا شيئاً
أعددته بنفسي اعتقاداً منكم أنه هيكون فيه تعويذة خاصة.. رغم نقائي
الداخلي فالدنيا لم تلوثني بعد لأنجأ لهذه الحيل الرخيصة.
وبالمقابل.. أتعامل معكم بحسن نية شديدة وآكل ما تعطوني إيه
لثقتي بأنكم لن تؤذوني ولماذا تؤذوننني وقد أصبحنا أسرة واحدة؟ ويعني إيه
أصلاً تئذوني؟
ولسذاجي لم أكن أعلم أنكم تتعاملون معي على اعتبار كوني مثلكم
بطبعي مؤذية، ولذلك كنتم تتعاملون معي بخشية وحذر.
ولسذاجي أيضاً كنت أتعامل معكم على اعتبار كونكم مثلي ولذلك لم
أتتوحُّ الحذر فكانت نهايتي المؤلمة.

* * *

للدرجة دي انعدم الضمير جواك لدرجة تخليك تتصل بيُّ قبل سفري
للمنحة بيومين وبعد ما استلمت تلغراف يفيد بأني المرشحة الأولى نتيجة

تفوقي الدراسي وتبلغني إني مش هييفع أسافر وإنها متعودة السنة الجاية؟
كل ده علشان ابن أختك الفاشل محتاج السفرية دي ونفسيته تعبانية؟!

* * *

ما كنتش أعرف إني هتزوج أملك.. وإنها هي اللي هتقرر كل حاجة..
إمتي تتتجوزني وإمتي تطلقني وإزاي تتعامل معايها.. ما كنتش أعرف إنك
بالنسبة لها زي العروسة المارليونيت هي تحركمها في الوقت اللي يعجبها
وللمكان اللي تختاره.. صدقني لو كنت أعرف عمري ما كنت فتحت لكم بابي
حتى للترحيب وللحضيفة.. فأنا أنشي سوية وأريد رجلاً طبيعياً يستطيع إدارة
أمور حياتنا دون اللجوء لاستشارة أمه.

اللي عايزه أعرفه وهيجنني هي قالت لك عندي إيه خلاك تطلقني
بالسرعة دي؟

شوافت مني إيه وحش يخليك تعمل في كده؟
وازاي قدرت تخرب بيتك وتهدم حياتك عشان خاطرها؟
للدرجة دي شرع الله لعبة بتتسلى بيها أنت وأملك؟
عليك غضب الله ولعنته إلى يوم الدين أنت وأملك.

* * *

«أريد زوجة متدينة»..

كان هذا شرطه للزواج، ولم تكن الزوجة المسكينة تعلم أنه يريدها متدينة حتى تتقى الله فيه وتعرف مكانة الزوج في الإسلام؛ فهذا سيوفر عليه عناء أشياء كثيرة، منها: الشك في سلوكياتها، بالإضافة إلى طاعتها العميماء له، واستحصالها له، وصبرها عليه.. لم تكن تعلم أنه مُلتحٍ استحساراً لثمن الحلاقة ولعدم رغبته في النظافة الشخصية بصفة عامة؛ فهو نادراً ما يستحم.. كانت تعتقد رغبته في ارتدائها للنقاب غيرة منه عليها، لكن الحقيقة المؤسفة أنه لم يكن يريده شراء ملابس لها؛ فالنقاب مجرد إسدال أسود ونقياب، ولن تحتاج إلى ارتداء شيء آخر؛ فهذا سيوفر له الكثير من المال الذي سيهدى في كلام فارغ..

* * *

«لا جدوى من إحياء الموتى»..

عندك حق، لكن زيجتنا أبداً لم تدب فيها الحياة يوماً حتى تموت؛ فهي أشبه بالياه الراكرة العفنة شديدة الزوجة والتي لا تكفي نسمات الهواء العابرة لتحرיקها.. الشيء الوحيد الذي كان يحركها إلقاء حجر صغير يُحدث دوائر سريعاً ما تزول وكأنه كالصدمة الكهربائية - التي يلجأ إليها الطبيب في محاولة يائسة بأن يساعد مريضه على الحياة - التي كنت أحاول أن أوهم نفسي بأنها قادرة على الاستمرار.

تحملتك مُرغمة لأنني أضعف من أن أواجه المجتمع بلقب مُطلقة؛
لذلك حرصت دائمًا على إرضائك حتى لو على حساب نفسي.
تخبرني الآن بأن التغيير سُنة الحياة وبأن زواجك من غيري لا
يدينك.. ولو كنت أنا من طلبت الطلاق لرغبتي في التغيير والزواج بمن هو
رجل فعلاً لكنك أول من أقام على الحد.. حقاً يا لك من وجد أنا..

* * *

إيه الحكمة في أنكم تعرفوني إنه متقدم لي عريس طالما انت
رافضينه.. ولا هو نفس السيناريyo تقولولي عليه وتخلوه يكلمني فابداً أحـن
لحياتي كزوجة واني محتاجة يكون في حياتي رجل وأول ما أقول موافقة
تعقدوها في وشي وتطلعولي بمليون لا وإنـه ما ينفعـش؟ كل ده عـشان تعرفـوني
إـني لـسه مـرغوبـة بـعد طـلاقـي بـس ما تـعرفـوش إـنـ كـله عـلى حـسابـ أـعـصـابـي
وـكـرامـتي وـنـفـسيـتيـ؟

* * *

أخاف أسـالـكـ مـالـكـ تـكونـ الصـدـمةـ هيـ الرـدـ..ـ لكنـ ماـ يـنـفعـشـ ماـ
أسـالـكـيشـ.

* * *

جـايـ دـلـوقـتيـ تـقولـيـ إـنـكـ كـنـتـ مـتـزـوجـ وـعـنـدـكـ ولـادـ؟ـ ماـ قـولـتـلـيـشـ منـ

الأول ليه، قبل ما أحبك وأرتبط بييك ويبقى لسه يومين على ميعاد فرحتنا؟!
مين قالك إني هوافق إني أكون في نظر طليقتك وولادك زوجة الأب الشيربة
اللي جاية تحرمهم منك؟!
إيه الأنانية دي؟!

ويا ترى عملت معها زي ما كان طليقي بيعمل معايا؟!
ما تقولش حاجة.. فقط اسكت.. واغرب عن وجهي الآن.. فقدمي لن
تسعنفي لكي أتركك وأرحل.

* * *

عايزه أعرف هي عملت لك إيه خلتك حبتها أوي كده وفضلتها عليّ..
هي ساندتك في أزمتك؟

هي شالت مسئولية بيتك؟

هي كانت أمينة على ممتلكاتك؟

هي كانت واجهة مُشرفة ليك؟

هي كانت ما بتطلبش منك غير بس تكون موجود في حياتها؟

هي ما خدتش منك أي مقابل ولا حتى كلمة حلوة؟

كل دول أنا مش هي.

* * *

أنا عملت كل حاجة وما لقيتش ولا حاجة..

حياتك كانت مالية عينيا استخسرتها في ليه !

أنا ما كantis لي غيرها وبفقدانها هرجع تاني أدور على حياة
جديدة.. بفك أرجع شغلي.. لكن مش حابة أرجع له بعد الغيبة الطويلة دي
بلقب جديد ما ليش ذنب فيه.. كنت عايزه يوم ما أرجع أرجع وأنا راسي
مرفوعة ومش محتاجة لحد.. منك الله ليه عملت في كده؟!

* * *

في طريقي لتقديم استقالتي أشعر وكأنني ذاهبة لفسخ خطوبتي.

* * *

اتحدثيت أهلي بييك وانت خذلتنى.

علشانك سافرت من بلد لبلد لمجرد إني بس أكون على ذمتك.
علشانك رضيت إني أكون لوحدي من غيرك أغلب الأوقات لأنك
مشغول.

علشانك وافتقت بمهر ما يليقش بي وبمصروف شهري خدتله أول
شهرين وبعد كده خلاص (خلي أهلك يصرفوا عليكي) أنت آه ما قولتهاش
بس المفروض إني أفهم إيه من امتناعك عن إعطائي مالاً أصرف بييه على نفسي
والبيت؟

علشانك رضيت بعدم احترامك لوجودي وبسوء معاملتك لي أمام

الجميع بس لأنني باقية عليك.

علشانك عاملت أهلك اللي غلطوا في حقي بابتسامه وذوق بعد ما
جرأتهم على مجرد إنك تحس برجولتك.

علشانك رضيت بإنك ترضيهم على حسابي وقبلت إنك ممكن تصحي
بي علشانهم ورضاخت إنهم يخطئوا وأنا اللي أتعاقب.

مستغرب ليه إني رجعت لأهلي.. ما هو أنا رغم اختلاف معاهم
بسبيك لكن برضه لي أهل أقدر أروح لهم حتى لو عينيا هنفضل مكسورة
قدامهم على سوء اختياري.

* * *

ما عدتش حاسة إني منك من كتر ما بتبعدني عنك..

* * *

الأحداث السعيدة في حياتي كالألحالم سرعان ما أستيقظ منها على
الواقع المريء.. يقولون إن لحظة فرح كفيلة بأن تنسيك أو جاع السنين وأنا
أقول وجع السنين لا يحتاج لفرحة واحدة فقط؛ فهو يحتاج لعدة أفراح
متوالية لتداوي ما فعلته السنين..

* * *

طول الوقت بحاول أثبت لك إني معاك.. وانت طول الوقت بتحاول

تشيت لي إني مش فارقة معاك.

* * *

وانتي لما تعرفيني إنك هنتزوجي من اللي كنت بحبه زمان متوقعة
إني هرد عليك أقولك إيه؟

صرخة غضب

يعني إيه تبقى كل أهلي ويوم ما تخصص قائمة الأهل عندك على
الفيس بوك ما ألاقيش اسمي؟!

* * *

يعني إيه كل ما بتمناك بيبني وبيني نفسي أصحى الأقيك باعت لي
رسالة تقولي فيها اني وحشاك؟ هو للدرجة دي إحنا بنحس بعض وبنتمننى
نكون مع بعض؟ طيب كنت بتبعدي ليه وبتجرح وبتظلم ليه؟!

* * *

يعني إيه لما تبقى كويسة ابقي ارجعى وخليكي براحتك؟!

انت بایعني کده ليه؟!

أقولك تعابة المفروض بعد ما تقولي سلامتك تفضل تتصل بيّ وتيجي
تزورني وتحسّبني إني مهمّة عندك وإن غيابي فارق معاك.

– قصدي خليكي براحتك لما ترتاحي خالص وما تجهديش نفسك..
– أو ماجيش أحسن وتبقى انت كده اللي ارتاحت.
– انتي فهمتي كده؟
– هو كلامك له معنى تاني؟!

* * *

يعني إيه أبقي عايزة أتكلم معاك وانت مش عايز تسمع؟ هو بمزاجك
ولا إيه؟!

* * *

لن تستطيع ترويضي بكت بت طاقتني ووضعني في مساحة ضيقة لا
أستطيع الخروج منها.. سأثور وسأحطم ما حولي ولن أحدأ كما تعتقد إلا إذا
خانني جسدي ووقع صريعاً أو مريضاً.. السر في ترويضي يكمن في اهتمامك
بي وتقديرك لي وتشجيعك المستمر وكلماتك المحفزة.. غير ذلك ستفقدني.

* * *

طيب أقولك إيه تاني؟! ما أنا قلت لك كل حاجة.. قلت لك على اللي
واجعني منك.. قلت لك على اللي بيضايقني من تصرفاتك.. عرفتك إنك موصل
لي بأفعالك رسالة فحواها إني مش فارقة معاك.. قلت لك إنك كوييس مع
الكل ومعايا أنا لأ.. قلت لك إن معاملتك معايا مش عاجباني.. وبرضه زي ما

أنت يوم ما بتتغير بتتغير للأسوأ وكأنك بتعند معايا.. مستغرب ليه بقى اني
هسيبك؟!

* * *

لن أسمح لك أن تعاملني كقطعة الشطرنج تحركها كيفما تشاء.

* * *

إحساسى ما كذبتش.. خنتيني علشانه.

إحساسى ما كذبتش.. بعنتنى علشانها.

* * *

كنت ليك زوجة صالحة و كنت لي ابتلاء.

* * *

يعنى تضربني ومش عايزني أقول آه.. وتكسر رجلي وتلومنى إنى
بعرج؟ ده إيه الجبروت اللي انت فيه ده؟

* * *

عمرى ما انتظرت منك شكر أو تقدير، لكن أيضا لم أنتظر منك
اتهامي بالتفصير.

* * *

صاحبتي دايما تقولي ما تزعليش.. سيارتكم اللي اتسربت مسیرها

ترجم..

وأنا عايزة أعرف هي جايبة التفاؤل ده منين.. هي سيارتي خرجت
مشوار من ورايا.. بقولها اتنسرقت !

* * *

- فكري كويس قبل ما تخسري.

- علشان أخسر لازم أكون كسبت حاجة.. وأنا خسرت فرص كتير لما
كنت معاك وجه الوقت اللي أكسب فيه نفسي..

* * *

- من السبب في طلاقي المبكر؟

- هقولك من غير زعل.

ألوم الأب دائمًا على طلاق ابنته؛ فلو كان الزوج ظالماً فهذا يعني أنه
لم يحسن اختيار زوج ابنته ووافق عليه دون أن يسأل عنه جيداً أو يتتأكد من
أخلاقه.

ولو كانت الزوجة هي الظالمة فهذا يعني أنه لم يرب ابنته جيداً؛
فهي بالتأكيد سيدة العشر..

* * *

أصدق حبك لي المزعم إزاي وانتي عملتي عدوتي صاحبتك؟

شتئت أم أبيت أنا ما زلت على ذمتك وسياحتك ملزم تصرف علىٰ ..

من كتر ظلمك ليٰ قربت خلاص أنفجروعايزه أفضحك قدام كل الناس
يإنك مش الملاك الظاهر اللي بتحاول تبان عليه..

اقسى عليٰ كمان وتجاهلنني علىٰ قد ما تقدر، ويوم ما تفكر تتصل ما
عادش بيئن كلام يتقال والنتيجة إني ما عدتش بحبك.

لو كنت أجed الحنان والحب والاهتمام لديك يا أبي لا كانت تؤذينني
الحياة..

كيف استطعت أن تحذفني من قائمة أصدقائك على الفيس بوك؟!
الآن تريد إضافتي من جديد ومتوقع إني هوافق؟!
هناك أشياء في أي علاقة لا يجوز المساس بها مهما غضب أحد
الطرفين من الآخر كإفشاء الأسرار وتقطيع أوراقه المهمة وتشويه سمعته،
وهذا ما فعلته معك بحذفك لي، فهذا أيضا من ضمن الأشياء الثابتة في أي

علاقة أبدية.

وهذا يعني أنه من السهل عليك الاستغناء عني حتى لو في لحظة غضب عابرة، ولأنك لا تعلم عني الكثير فأنا من يخرج من حياتي باختياره لا يدخلها مرة أخرى.

* * *

مصاب بداء الخرس معي والثرشة مع غيري.

* * *

أنت فعلت كل شيء يثير ضيقني وغضبني وكراهيتي.
فقد جعلتنـي أشعر بأنـي غريبـة في بيـتي.

* * *

عاوزة أتعلم إزاي أكون أنشـى شـريرة.. فأكـاد أـشك في أـنوثـتي حينـما لا
أعلم كـيف يكون كـيد النساء.

* * *

ما كل هذه الأخطاء الإملائية التي تمـلـأ رسائلـك لي؟ ما تـعـلمـوا
تـكتـبـوا الأولـ بدـلـ ماـ أـنـاـ مـحـتـاجـةـ حـدـ يـتـرـجـمـ لـيـ اـنـتـ عـاـوـزـ تـقـولـ إـيـهـ !

* * *

انت حتى مش فاكر آخر حوار بينـاـ كانـ إـيـهـ !!

ولا عارف أنا زعلانة منك ليه ! !

ولا حاسس انت جرحتني في إيه ! !

طيب بذمتك انت راجع لي تاني ليه ؟ !

* * *

هو أنا لازم أعيط عشان أصعب عليك !

* * *

أيوه ظلمتني لما ساعدتهم على ظلمي.

* * *

لو قلبك ما كانش معايا فجسمك ما يلزمينيش.

* * *

ما تجاملش حد على حسابي ..

* * *

مش هتحس بقيمتها دلوقتي .. لما تموت هتعرف قد إيه هي كانت
نعمـة كبيرة أوي عليك.

متضايق من طلباتها الكتير .. ما هي لو لاقية أي اهتمام منك ما
كانتش طلبت حاجة.

هي عايزه تحس إنها موجودة في حياتك.. عايزه تلاقي أي موضوع
يجمعكم عشان تتكلم معها حتى لو هتقولها إن المصاريف كتير عليك.
ويا ريتها بتطلب حاجة لنفسها.. دي كل طلباتها للبيت اللي انت
ساكن معها فيه.

ليه مش فاهم إنها محتاجة لك؟ ليه مش مستوعب إنها كبرت ومن
حقها عليك تشكرها على وقوفها جنب طول العمر؟ ليه مستخسر فيها كلمة
حلوة أو هدية بسيطة ليها هي مش للبيت؟
ليه خليتها تستنى الموت لأن مفيش في حياتها حاجة تستأهل إنها
تعيش علشانها؟

* * *

مش هسمح لك تغيفظها بيَّ.

* * *

- يا جماعة أنا العروسة.. ده ولا كأني قاعدة معاهم.. حتى العريس
ما بصليش ولا فكر يتكلم معايا.

- انتي بالنسبة له بضاعة مضمونة من مكان موثوق فيه.
هو ما يهموش طموحاتك وأحلامك وأفكارك وشخصيتك؛ لأنها
بالنسبة له أمراض هن تعالجي منها مع مرور الوقت.

هو اللي يهمه واجباتك اللي انتي هتعريفي تأدبيها على أكمل وجه..
خدميه وتربي عياله.

* * *

عملت كل حاجة في عنفوان شبابك بس نسيت في زحمة أفعالك
المُشينة تفتكر إن عندك بنت هيتعمل فيها كل اللي عملته..

* * *

حبي ليك فكرته تمثيل.

طيبتي معاك فكرتها ضعف.

إخلاصي ليك فكرته قلة حيلة.

ترجمتي لتفكيرك أنك شخص مريض وبحاجة إلى العلاج.
ولكن لم العلاج الآن؟ فقد تركتك ولم يعد يعنيني شفاؤك..

* * *

تشير غضبي حقا بتقلب مزاجك المستمر.

ما ذنبي إذا كنت سهل الاستثارة.

لا تنتظر مني أن أتحملك هكذا كثيرا..

* * *

ليه المفروض إني أذرك لما تتأخر في الرد على رسايلى وما أزعليش لما
تتجاهلها وما تردش غير لما أسائلك؟

وبالمقابل عاوزني أرد عليك فور إرسالك الرسالة لي ولا تعذرني في
إنني ربما أكون بكتب ردك عليك بالفعل.. ولكن الوقت والكلمات لا تسعنوني
حتى تصلك رسالتي بالرد عليك فور قراءتي لرسالتك بدقة وتعتبرني
أتجاهم لك..

أي منطق هذا الذي تعاملني به؟!

* * *

عجبًا لأمر زوجي.. كلما تزينت له ووضعت أزكي العطور وأطيبها لا
ألفت نظره.

وإذا وجدني في المطبخ أغسل الأطباق مُرتدية ببيجامة مُبتلة من أثر
الغسيل ومعصبة رأسى بمنديل كخادمة والعرق يتناشر من جبهتي وفي حالة
مُزرية تماماً.. أجده يدعوني للنوم باشتياق !

حقاً أريد أن أفهم مزاجه ، فبأي عين يرانى وأنا هكذا؟!

وأين عيناه هاتان وأنا في كامل زينتي وأناقي؟!

هل حقاً كما قالت صديقتي عنه إن زوجي مزاجه مزاج بوابين؟

* * *

مستغرباك أوي يا بابا.. بدل ما تحبني أنا وتهتم بي أنا بتحب اللي
أنا بحبهم !

بتحب صحباتي أكثر مني وبتهتم بيهم وبيتسأل عليهم.
لو واحدة اتصلت بيًّا بتقعد تتكلّم معها بالساعة قبل ما تدinya
السماعة، ولو واحدة فيهم جت بتنضل قاعد معانا كتير على اعتبار إنك
بترحب بيها.

حتى قريباتي بتتصل بيهم وبتهزر معاهم وفيه بينكم عشم خاص
وأنا ولا كاني موجودة !
ليه بقى منظر إني أحس بحبك ليًّا رغم إني مش شاييفا !

* * *

يجري إيه لو اعترفت قدام نفسك إنك جرحتني .. وإنك في بعادك
عني ظلمتني؟

يجري إيه لو قلت لي آسف من قلبك .. وإن بُعدِي عنك وجعلك؟
يجري إيه لو ندمت على الفراق .. وتعترف إن قلبك لحضني مشتاق؟

* * *

بـكـره حـبـي لـكـ .
بـكـره إـن لـسـه فـاكـراكـ رـغـمـ ثـقـتيـ بـإـنـكـ مشـ فـاكـرنـيـ .
بـكـره إـنـيـ لـسـه بـتـمـنـيـ لـكـ الـخـيـرـ رـغـمـ يـقـيـنـيـ إـنـ أـخـبـارـيـ ماـ تـهـمـكـشـ فـيـ
حـاجـةـ .

بَكِرَهُ إِنِي عَايِزَةُ يَكُونُ فِيهِ شَغْلٌ بَيْنَّا بَسْ عَلَشَانِ إِنْتَ تَسْتَفِيدُ مَادِيَا.

بَكِرَهُ إِحْسَاسِيِّ إِنَّكَ عَارِفٌ مِّثْاعِرِيِّ وَبِتَعْامِلٍ مَعَاهَا كَدِهِ بَكْلَ تَجَاهِلٌ

وَلَا مِبَالَةً.

بَكِرَهُ إِنِي بَحْنَ لَيْكَ.

بَكِرَهُ إِنِي بَسَامِحَكَ وَبَعْدِي لَكَ حَاجَاتٌ كَتِيرٌ عُمْرِيِّ مَا أَعْدِيَهَا مَعَ حَدِّ

غَيْرِكَ.

بَكِرَهُ إِنِي مَشْ عَارِفَةُ أَزْعَلُ مِنْكَ.

بَكِرَهُ اسْتِيَعَابِيِّ الْكَامِلِ إِنْ مَشْ ذَنْبِكَ إِنَّكَ مَا بَتَحْبِنِيَشَ.

كَرِهَتْ حَاجَاتٌ كَتِيرٌ وَبِرْضُهِ مَشْ عَارِفَةُ أَكْرَهَكَ.

* * *

أَنْتَ غَنِيٌّ.

لَمْ تَعْرِفْ كَيْفٌ تَسْتَغْلِلُ ضَعْفَهَا وَجَرْحَهَا وَاحْتِياجَهَا.

لَوْ كُنْتَ وَقْفَتْ جَنْبَهَا فِي أَزْمَتِهَا.

كَانَتْ تَزُوْجَتِكَ عَنْ طَيْبِ خَاطِرٍ وَكَانَتْ هَتْفَضُلُ فَاكِرَةُ وَقَفْتِكَ جَنْبَهَا

طَوْلُ الْعَمَرِ.

لَكَ إِنْتَ وَقْفَتْ تَتَفَرَّجُ عَلَيْهَا وَكَمَانَ كُنْتَ بَتَشْمِتُ فِيهَا.

كَنْتَ مَتَوْقِعَ إِنْ هِيَ الِّيْ هَتْسَنْجَدُ بِيْكَ ! ! مَشْ بِقُولُكَ غَبِيٌّ.

* * *

أستطيع أنأشكوا مثلث من المرض والحر والإرهاق والحزن، لكنني لا
أفعل، ليس لأنني لا أاعاني هذا كل، ولكن لأن الشكوى لغير الله مذلة.
أعلم جيدا متعة التاؤه بصوت عالٍ لكنني أحزم نفسي منها حتى لا
أزعج من حولي فيها.

* * *

أنا لست هواء.

كيف تقول لها وحشتيني أمامي؟ هل صدقت حقاً أني مجرد صديقة
لـك؟!
كيف تقبلها أمامي؟ هل صدقت حقاً أنها أختي؟!
كيف تعطي لها وردة أمامي؟ هل صدقت حقاً أني محروم لكم؟!
كيف تداعبها أمامي؟ هل صدقت حقاً إني ما بفكروش في الحاجات
دي؟!

أنا أنشىولي مشاعر وعليك أن تحترم وجودي مهمما كان عمري.

* * *

لماذا دائماً أكون في حياة الرجل صديقته الناضجة التي يحترمها ويثق
في رأيها؟

لماذا لا يراني أنت تستحق أن يحبها؟

* * *

قالت له: هل أخطأت حينما اخترتكم حبيبا؟

قال لها: لو كنتي حاسة إنك أخطأتي الاختيار تستطعيين أن تعيدي
الاختيار.

قالت دون تفكير: أنت اختياري الوحيد.. ومفيش غيرك حبيب.
وتقول بداخلها: لماذا أتحمل أسلوبه الفظ معه هكذا؟! لماذا أحبه وأنا
أعلم أنه حب مستحيل؟! لماذا قلبي ما زال ينبعض حين محادثته؟! لماذا يا
قلبي اخترته ليكون حبيباً أبداً وأنت له لا شيء؟!

* * *

أسامح مين؟!

أسامح قاضي خسف بحق الأرض؟!

أسامح ناس ما يعرفونيش وشهدوا ضدي زور؟!

أسامح محامي ما بيتهدش مبهدلني في المحاكم بقالي سنين؟!

أسامح ناس خاضوا في عرضي وشرفي؟!

أسامح اللي سرقوني ونصبوا عليّ؟!

أسامح اللي ساعدوا على ظلمي؟!

أسامح اللي طلقني غيابي بعد شهور قليلة من الزواج من غير حتى ما
أعرف ليه؟!
أسامح مين؟ وليه؟

يا من تطلبون مني أن أسامح كفوا عن هذا حتى لا تخاطروني أن أدعوه
عليكم لتنذوقوا ما أنا فيه حتى تعلموا فداحة ما أعانيه.

* * *

يا ترى حسيت معاه اللي حسيته معايا؟! يا ترى بتعاملها زي ما
كنت بتعاملني؟! طيب هي.. يا ترى بتخاف عليك زي ما كنت بخاف
عليك؟! يا ترى بتنتمي لك الخير من قلبها بجد؟! يا ترى مصدقة فكرة إنكم
إخوات مش أي حاجة تانية زي ما أنا كنت بحاول أقنع نفسي بده؟! طيب يا
ترى حكيت لها عني؟ قلت لها إيه؟ ولا ما جيبلهاش سيرتي؟ يعني
خلاص نسيتنبي؟!

* * *

كان صعبان عليك كل اللي انت بنطيته طول عمرك هتسيبة لمين..
وكلت شايل الهم وبرتسأل كل ده هيروح لمين..
أهو راح.. راح بلا رجعة.. تعبك وشقاك طول السنين اتبخر ولا لأن
كان له أثر.. كنت عايز تتزوج غيري علشان تخلف لك الولد اللي ياخد كل ده..

أهو كل ده راح وما عادش حيلتك حاجة تديها لحد.. دلوقتي لو جه هتخليه
بورث إيه غير الخيبة؟ دوست عليّ ونسينت إن ربنا هو اللي بيقسم الأرزاق.

* * *

كان نفسي تكوني زي ماما.. راجل يعتمد عليها.. ناشفة في
تعاملاتها.. صعبة في أسلوبها.. عمرها ما احتاجت لبابا في حاجة.. مش زيك
طول الوقت محتاجاني وبتعتمدي عليّ.
– طيب ما كنت تتجوز واحد صاحبك أحسن.

* * *

أنسى إيه؟!
أنسى غدرك وجرحك وإهانتك?
وليء؟!
علشان أرجع لك تاني؟!
طيب ما بناقص.. أصل من الغباء أن أعطي الأمان لمن خان الثقة ونكث
العهد ولو مرة واحدة..

* * *

– هي ما خانتوش.
– لأ خانته.. مش قالت أسرار شغله لأعدائه تبقى خانت ثقته

فيها.. مش قالت لراجل غيره «بحبك» يبقى خانته بقلبها.. مش اتمنت
غيره وهو معها يبقى خانته بخيالها.
مش شرط تكون الخيانة جسدية.. فالخيانة أنواع كثيرة.

* * *

زي ما أنت زهقت من طلباتي منك، أنا كمان زهقت من احتجاجي
ليك.

* * *

أعمل إيه؟! بحاول ألاقي أي حاجة حلوة فيه علشان أقنع نفسي بييه
ما لقيتش إلا شكله، وده هو مالوش دخل فيه.

* * *

حياتي مليئة بأشياء كثيرة، فلا تتوقع أن تكون الوحيد المستولي
عليها، ولا تتوقع أن أكون مُناحة لك طول الوقت.

* * *

أنا مش بطلب كثير.. أنا مش طمعانة في أكثر من ساعة من وقتك كل
يوم.. أحس فيها إني معاك.. وإنني زوجتك بجد.. ساعة بعيدة عن مشاهدة
التلفاز أو تناول الطعام أو زيارة والدتك أو ضيافتها أو النوم.. ساعة تنظر لي
فيها أنا فقط دون أي مثير آخر.. ساعة تتحدث معي أو تسمعني أو تلعب

معي أو نخرج فيها معاً أو تساعدني في المطبخ أو... أو... أو...
فهل هذا كثير؟!

* * *

المشكلة إنك عايز ترمي على المسئولية لترتاح منها..
وأنا عايزاك معايا.. لكن مش لأنني ضعيفة ومش هعرف أتحملها..
لأنني مش عايزه أكون لوحدي.

* * *

اعذرني أيها الرجل فأنا لا أفهم لغة صمتك.

* * *

إياك تكون فاكر نفسك ملاك.. إنت زييك زي غيرك ما تفرقش عنهم
كتير.

* * *

طبعاً لازم تختاري عفش بيتك.. لازم تختاري بنفسك كل شبر فيه،
ما هو ده السجن اللي هتفضلي فيه الباقى من عمرك ورفقا بك لازم يكون على
ذوقك.

* * *

أيوه حاسة إنك واثق في بس لدرجة مخلياك ما عدتش بتتهم بي.

* * *

سُئمت من الزرع وأريد الحصاد.. سُئمت من البناء وأريد السكن.
لا أريد أن يختفي دوري فور تهيئتي المناخ المناسب للاستخدام
الآدمي..
لا أريد أن أزرع ليحصد غيري ولا أريد أن أبني ليسكن غيري.
فبعد صبري على الزراعة من حقي الاستمتاع بالحصاد.
وبعد مجهدني في البناء من حقي أن أستريح في السكن.

* * *

الرسائل القصيرة لم تعد تشبع جوعي العاطفي ؛ فأنا أريد اتصالاً
مباشراً أو لقاء واقعياً..

أعترف بحاجتي الشديدة لوجود رجل في حياتي يتعامل معي كأنني
مرغوب فيها.. يغموري بحنانه ويتسبّب في سعادتي.. فقط أحتاج لرجل
يحبني.

* * *

أشكرك لأنك نبهتني - دون أن تقصد - أنني آخر حاجة مهمة
عندك.

أصبحت أفهمك أكثر مما تتوقع، فلا تتعامل معي بأسلوب الاستعباط
لأنني عارفة إنك عارف أنا أقصد إيه.

* * *

لا تتحجج بمشغولياتك ووقتك المكتظ، فلو تريـد أن تفرـغ لي جـزءاً من
وقتك لـفعلتهاـ، لكنـك تخـشـي مـواجهـتـيـ، وهذا مشـ هـاعـديـهـولـكـ بـسـهـولةـ.

* * *

يـومـاـ ماـ سـتـنـدـمـ عـلـىـ فـرـاقـيـ وـتـلـعـمـ أـنـنـيـ كـنـتـ كـنـزـاـ وـأـنـتـ لـمـ تـحـسـنـ
.استـغـلـالـهـ.

* * *

عملـتـ منـكـ قـائـداـ عـلـيـ باـخـتـيـارـيـ الـحرـ لأـشـيعـ رـغـبـتـكـ فيـ الـقـيـادـةـ، لكنـ
احـذـرـ؛ فـفـشـلـكـ فيـ الـقـيـادـةـ يـثـبـتـ لـيـ يـوـمـاـ بـعـدـ الـآـخـرـ.. فـأـنـاـ قـائـدةـ قـدـيمـةـ وـلـنـ
أـسـمـحـ أـنـ يـقـوـدـنـيـ فـاشـلـ.

* * *

مشـ عـيـبـ إـنـكـ تـقـولـ إـنـكـ بـتـحـبـهـاـ.. لـكـ عـيـبـ إـنـكـ تـتـبـاهـيـ إـنـكـ
بـتـخـافـ مـنـهـاـ.

مشـ عـيـبـ إـنـكـ تـصـالـحـهـاـ قـدـامـ النـاسـ.. لـكـ عـيـبـ إـنـكـ تـسـمـحـ لـهـاـ
تـهـزـأـكـ قـدـامـ النـاسـ.

فيـ كـلـ الـأـحـوـالـ عـيـبـ مشـ عـلـيـهـاـ.. عـيـبـ عـلـيـكـ إـنـتـ لـأـنـكـ مشـ
عارـفـ تـكـونـ رـجـلـ محـتـرـمـ ولوـ حـتـىـ قـدـامـ النـاسـ.

هي بالنسبة لك الكذبة اللي انت كذبتها وصدقتها مش الحب
ال حقيقي زي ما انت متخيّل، والا ما كنتش شوفت عيوبها ووصلت لدرجة
إنك ما عدتش طايقها..

* * *
أمال لو ما كنتش حاسس إني زعلانة منك كنت عملت إيه؟!

* * *

إنت بـإيدك لغيب وجودك في حياتي.

* * *

كنت مفكراك ضهرى وإن يوم ما حد يضايقنى إنت بس اللي ممكنا
تجيب لي حقى.
كنت مفكراك معايا وإن يوم ما هاحتاجك مش هتأخر عنى مهما كان
اللي وراك.

كنت مفكراك باقى علي وإن زعلى منك فارق معاك.
كنت مفكراك سندى وإن عمرك ما هتخذلى.
كنت مفكراك قد كلمتك والكلمة اللي هتقولها سيف على رقبتك.
كنت مفكراك هتقدر ثقتي فيك ومش ممكن تحطّنني في أي موقف

بايخ.

كنت مفكراك هتحترم وجودي قدام كل الناس مش بيبني وبيبنك بس.

كنت مفكراك ه تكون قد مواجهتي مش تتهرب منها بحوارات

خايبة.

الخلاصة أني اعتقادت خطأ أنك رجل تستحق ثقتي وتقديرني.

* * *

وبعد عتاب طويل شرحت فيه ما آلمني منه.. قال لي: «هذا تصور

خاطئ».

إلا الجملة دي تتصرف منين؟ أنا كنت عايزه شرح لتصرفاتك ومبرر

لأسلوبك مش مجرد جملة مهنية تنهي بيها الموقف.

* * *

بتشيلني همك ليه؟! أنا لي حق وعايزاه.

* * *

إيه فايدة كلامي لو ما رديتش علي؟!

* * *

إيه عايزني أقدر ظروفك اللي ما بتنتهيش في بعده عنني وبالقابل

إنت ما تقدر احتجاجي ليك؟

* * *

إنت فكرت تسعدني ولو يوم واحد؟! إنت طول الوقت بتتصيد
أخطائي وكأنك ملاك.

* * *

مش تيجي بقى قبل ما مُدة صلاحيتى تخلص؟

* * *

في عتابي معاك بتفكرني بالدكتور الرحم اللي بيفضل يضغط على مكان
الالم ويقولك: الحنة دي بتوجعك؟

* * *

متنى تتحدى معى عنى؟

* * *

– وأنا اللي قلت خروجتي معاك هتنسيهالك أتاريها هتفكرك بيهـا.

* * *

لو كلمة آسف ما جتش بفعل يدل على أسفك ما تلزمنيش.

* * *

معاملتك لي تذكرني ببرامج الأطفال التي كنت أشاهدها في طفولتي،
فلم يكن مُعدو البرامج يحترمون رغبة الطفل واندماجه في المتابعة وينهون

البرنامج فجأة ليقدموا نشرة الأخبار.

* * *

بقي بعد ما قولتلي افرشي الأرض ورد وهمشي معاكي عليها، جاي
دلوقتي تقولي لي الورد خلاص مش ماشي؟

* * *

إذا أرسلت لي صمتك لا تلمني إذا أرسلت لك تجاهلي.. لن أستقبل
صمتك بعد الآن.

* * *

- أنا غير مسؤولة عن سوء تصرفاتك.. لن أدفع ثمن أخطائك.

* * *

إذا اكتشفت أن في الوقت الذي ميزتك فيه عن غيرك بكلامي معك
كنت أنا مجرد إضافة لاسم جديد في حياتك ستصبح أنت أيضا مثل الجميع.

* * *

- إذا طلبت منك عدم سؤالي عن شيء ما ومع ذلك ضربت بطلبي هذا
عرض الحائط وحاولت أن تشبع فضولك.. لن تسمع مني سوى إجابة مبهمة
لن تفييك بشيء وسيترك هذا بداخلي انطباعا بأنك لا تحترم رغباتي.

* * *

لا تعطِ لنفسك حقوقاً أنا لم أعطِها لك.

* * *

- حتى وانت معايا.. كنت برضه لوحدي.

* * *

أنا هستنى كده كتير؟!

* * *

احتياجي لك يدل على إنك ذو قيمة وبما أنك كرهتني في هذا فقد
أصبحت من الآن بلا قيمة عندي.

* * *

إذا تعاملت معي على اعتبار أني رجل وما يتخافش عليَّ لا تلموني لو
استغنىت عن وجودك في حياتي.

* * *

أنانيتك وحبك للأخذ فقط جعلاني أكره مشاركتك في أي شيء
واعتبرها مقاسمة منك لما ليس لك.

* * *

إنت ليه مش مستوعب إن أنا اللي طلبت منك تعذر لي؟ يعني ما
جاش منك أنت.

إنت ليه مش مقدر إن تعاملك معايا بالطريقة دي واجعني؟ يعني
بقى عندي مشكلة في التعامل معاك.
أيوه إنت نفيت كل اتهاماتي ليك، لكن كل تصرفاتك أكدتها.. يعني
ما بقتش مصدقاك.

* * *

عايزني أبداً معاك صفحة جديدة إزاي وانت مقطع صفحتين قبل كده؟

* * *

وقت ما هتمشي أنا همشي وراك.. مش هستحمل أقعد في المكان لحظة
واحدة لو مش معاك.

أجمل إحساس

هل يعقل أن أختزل كل مشاعري لك في أربعة حروف فقط؟!

* * *

كم أحبك يا صديقتي. فأنت هدية الخالق لي.. كم وقفت جواري وكم ساندتني وكم تحملت غضبي وتقصيري تجاهك.. مهما بعد المكان بيننا ستظللين دوما في القلب.

* * *

شقيقي الأكبر، أنت نعمة في حياتي ربنا يديمهما عليًّا.

* * *

أحلى حاجة فينا إننا بنكمel بعض: إنت بتعمل حاجات أنا ما بعرفش أعملها وأنا بعمل حاجات إنت ما بتعرفش تعاملها، فوجودنا أساس في حياة بعض.

* * *

رغم إن أخويها هو اللي كان حاطط البرفان بس كل ما بشمه بقتكرك

إنت.

* * *

أشكر وجودك حين حاجتي إليك ومعرفتي بأنك لن تخذلني.

* * *

أشكرك لأنك علمتني إزاي أحب اللغة العربية.

* * *

لما أمي حملت فيك.. اتمنيت تكون بنت.. كان نفسي أوي يبقى لي
أخت.. وبعد ما اتلدت حسيتك ابني مش أخويا الصغير وبرضه كنت عايزه
يبقى لي أخت.. ومع الوقت وكل ما تكبر أكتشف إنك أغلى عندي من أي
أخت كان ممكن تيجي.. حاليا بحمد ربنا بجد إنه هداني بيـك.. فـما أجمل
اختيارات الله لنا.

* * *

ما بحسش بالوحدة طول ما أبويا معايا.

* * *

سر جمالك من وجهة نظري إنك ملكي.

* * *

بحبك ياللي محلي حياتي.

* * *

إنت الوحيد اللي وجودك بيعمل لي أحلى دماغ.

* * *

كان نفسي أوي أخرج من لجنة الامتحانات الأقيك واقف مستنني.

* * *

بقيت أحب شكل بروفایلی لما صورتك اتحطت فيه.

* * *

أول ما قال لي بيحبني.. ردت وقلت: وحشتنی.

* * *

نظر لها قائلًا: على فكرة أنا ما بحبكيش.

نظرت له نظرة تعجب وقبل أن تنطق قال مسرعًا: أنا بعشق
تفاصيلك.

خطنه بقبضة يديها على صدره وهي تبتسم قائلة: وأنا بموت في
رخامتك.

* * *

أشتاق لارض صغيري الذي لم يأتِ بعد.

* * *

كم كنت أفتقد أن أرى فرحة عيون حينما ترانني ومحاولة مستمية
لمنع ابتسامة تظهر على محياه فور رؤيتي وحياة يجعل عينيه تهربان من
مواجهة عينيٌّ إذا ما ضبطه ينظر تجاهي.. حقا شعور رائع حتى إن لم
يحدث سوى مرة واحدة لا أظنهما تتكرر.

* * *

لسه ليك في قلبي مكان يجعلني أفرح حينما أراك في منامي ويجعلني
أتمنى لك الخير والفرحة حتى لو ه تكون مع غيري.

* * *

في طريقي لعملي أشعر وكأني ذاهبة لوعد غرامي رغم وجودي وحدي
تماماً في هذا القسم.

* * *

ذهبت على مضض ولم يكن في نيتني المشاركة أو التفاعل بل وكنت
أنتوي أن أخرج بعد البدء بقليل، وكل دقيقة تقريراً نظر في ساعتي فأنا على
عجلة من أمري ولدي مواعيد أخرى أهم..

طلب مني أن أكتب أربعة أحلام أتمنى حدوثها في ورقة لن يطلع
عليها أحد.. فكتبت أول ثلاثة أحلام بسهولة، أما الرابع فلم أكتبه إلا حينما
أكيد ضرورة أن يكون عدد الأحلام أربعة فكتبته على استحياء وكأنه لا
يعنيني..

ثم بعد كلام كثير قاله طلب مني أن أغمض عيني وأتخيل تحقيق
حلمي.. ورغم أن أحلامي بالنسبة لي معروفة فإني حينما أغمضت لم أر
شيئاً، لكنني لم أستسلم وطللت أعاشر في هذا الظلام لأرى تفاصيل حلمي كما
طلب.. وفي هذه اللحظات قام بتشغيل موسيقى حالة وأغلق الأضواء، وهنا

وضحت الرؤية فلقد رأيت - للغرابة - حلمي الرابع الذي لم أكن أنتوي كتابته.. فقد رأيتني بالفستان الأبيض وجواري عربسي ببدلة بيضاء أيضاً ورأيت حفلة زفافى وكم كانت روعتها ورأيت أيضاً يوم أن أصبحت أمّا لأول مرة وجواري زوجي ونحمل طفلينا، وابتسمت في كل مشهد بل واتسعت ابتسامتي حينما تم تصويري مع زوجي وهو يحمل «فيديو» وأنا أحمل «نوнос»..

وهنا توقفت الموسيقى وتمت إضاءة الأنوار.. فتجهمت قائلة:

صحيتنى ليه؟!

* * *

أحبك حينما تفرض رأيك الصحيح علىٰ وتجبرني على تنفيذه رغم عدم اقتناعي به وقتها.

* * *

حينما تلاقت أعيننا بعد غياب السنين قالت كل الكلمات وعَبَرَت عن المشاعر الجياشة التي اختزناها لبعضنا البعض طوال فترة الْبعد، وأجمل ما فيها أن شفاهنا لم تنطق بأي كلمة، فأعين العرباء كانت تترقب ما سنتقوله.. لا تعلم ما فعلته عودتك بي.. أسأل عينيّ وهما ستخبرانك كم كانتا مليئتين بالغضب والحق، أما الآن فهما مليئتان بالحب والتسامح وتریدان أن

تعانقا الجميع.

شكرا لرجوعك فقد أحبيتني من جديد.

* * *

أصله حنين على، فعلshan كده لازم يوحشني حتى لو كان مجرد

صديق.

* * *

كم أستمتع بقامتي القصيرة جواره.

* * *

واحشني خروجنا مع بعض بالعرببة.. ولا تسبق عرببة أسفف لك
بفرحة وأقولك: «ممتأز يا جوجو».. ولا تشغل أغنية والأقيك مندمج معها
أقوم مغيراها بالريموت، وساعتها انت تبص لي وتضحك لأنك عارف إني
عملت كده علشن تبقى معايا أنا مش مع الأغنية.. ولا تاخذ نزلة كوبري
بسرعة تبص لي وتضحك لأنك عارف إن الحركة دي بتضحكني.. ولا تكون
عايز تشرب سيجارة تركن في جنب وتنزل تشربها بره حتى لو ماشيين على
طريق سريع لأنك عارف إني ما بحبش ريحتها.. ولا بصورك وانت سايق في
جميع حالاتك.. ولا تضايق مني وتنقولي لو ما سكتيش هنزلك.. ولا تحب
تتحداني تقولي: «هخليكي تسولي مكاني» وانت عارف إني مبعرش أسوق

على الطريق السريع ، ولو عدّت جنبنا عربية نقل كبيرة أبقى هموم من الخوف.

وبغض النظر عن مواقف العربية معانا في أغلب الأوقات أو خناقاتنا في كل خروجة بس بجد واحشني الخروج معاك.

* * *

أنا عارفة إن ما لكش علاقة بشغلي لكنني بجد عايزةك معايا في كل خطوة.. عايزةك تشويفني وأنا ناجحة وأنا مبسوتة.. عاوزة أتباهي بيك قدام كل الوجودين حتى لو كان في اجتماع مجلس الإدارة.

- هو أنا بحضر اجتماع الشغل عندي لما هحضر اجتماع الشغل عندك؟

* * *

كنت واثقة إنك هتعرف تجيبني وتوصل لي في وسط الزحمة دي كلها.. ما كانش قدامي حل بعد ما بقينا بالليل وأنا واقفة بقالي كتير ومفيش مواصلات والناس بتزيد غير إني أتصل بيك تلحقني.. الغريب إنك إنت اللي عرفت توصل لمكاني رغم الزحمة اللي أنا مش باينة فيها.. وأنا كنت حساس بس مش متأكدة واعتقدت حد بيعاكس.. قلت أكيد لما توصل هتكلمني على الموبايل.. بعدها عرفت إنك حاولت فعلا تتصل لكن تليفوني كان غير متاح.. لما شوفتك حسيتك زي ما تكون أبويا وجاي ياخذني من المدرسة.. حسيت إني

بننڭ.. بحس دايما معاك بالأمان ودي حاجة عمرى ما حسيتها غير بس
معاك..

* * *

أجمل ذكرياتي معاك واحنا بنلعب ريسٌ.

* * *

إيه يعني لما أ مثل عليه إن فيه حد بيحبني وإنى بفكرة أرتبط به.. إذا
كانت دي الطريقة اللي هتخليه يتكلم معايا وهو حاسس بالأمان وإنى مش
راسمة عليه زي ما هو فاكر.. مع إنى ما برسمش عليه ولا حاجة، أنا بس
هموت عليه.

* * *

ما أجملها من مُتعة حينما اعتزل العالم وأغلق هاتفِي لأتفرغ لنفسي
ولعبادتي..

* * *

عمرى ما هتزوج بعده.. ده كان كل دنيتي وكان كل حياتي.
أيوه عشت معاه فترة صغيرة بس فيها حسني إني ملكة حياته
وأميرة ذكرياته وبرنسيسة قلبه ونور عينه وروح قلبه.. إزاي أتزوج غيره؟!
بتقولوا إني لسه شابة وصغيرة والعمر قدامي وهو تركني أرملة بلا

أطفال.. لكن مين قال إن العمر بيتقاس بالسنين؟
أنا عمري ابتدى معاه وهينتهي يوم ما أنساه.
ذكرياته الحلوة معايا هتكفيني الباقي من عمري.
مين قال إنه مات وسابني؟ دي روحه معايا بتنظمني.
لن أترك شقتي ولن أخلع دبلتي؛ فزوحي يعيش الآن بداخلني.
لن أعيش في ملابس الحداد كما تعتقدون، وبعد الفترة الشرعية سأقوم
بارتداء ملابسي ذات الألوان الزاهية وسأعود لممارسة حياتي بشكل طبيعي..
اطمئنوا، لن أحزن الحزن الذي يجعل الكل يشقق على حالي، لكنني
سأحزن الحزن الذي يجعل الكل يترحم عليه.
رحمك الله يا زوجي الغالي.

* * *

أشكرك لأنك لما بتجيلى في حلمي بصحي ألاقيني مبسوتة.

بس يا ترى بتحلم بي زي ما بحلم بيكم؟!

* * *

«كل صخر من لين يذوب».

سمعتها من د. مبروك عطية وأعترض عليها.

دَهْ أَنَا لَوْ مُتَزَوْجَةِ مِنْ حَجَرٍ كَانَ زَمَانَهُ نَطْقٌ.
كُلَّ يَوْمٍ الصِّبَحُ لَازِمٌ أَبْعَتْلُهُ رِسَالَةً غَرَامِيَّةً عَلَى مُوبَايْلَهُ.
وَرَدَ فَعْلَهُ لَا شَيْءٌ وَلَا حَتَّى رَنَةً.
أُولَئِكَيْ يَلْقَيْنِي عَلَى سَنْجَةِ عَشَرَةِ.
وَرَدَ فَعْلَهُ التَّجَاهِلُ التَّامُ وَلَا حَتَّى نَظَرَةً.
بَطْبَخُ يَوْمِيَا الْأَكْلُ الَّذِي هُوَ يَخْتَارُهُ وَيَحْبِبُهُ.
وَرَدَ فَعْلَهُ لَا مُبَالَاهُ وَلَا حَتَّى كَلْمَةً.
وَمَعَ ذَلِكَ مَا زَلْتُ أَجَدُ مُتَعَةً فِي أَنْ أَفْعُلَ كُلَّ يَوْمٍ هَذِهِ الْأَشْيَاءَ نَفْسَهَا عَنْ
حُبِّ وَطَيْبِ خَاطِرٍ.

* * *

هُوَ لَا يَحْبِبُكُ.. إِذَا كَانَ أَحْبَكُ حَقًا لَمَا وَجَدْتَ نَفْسَكُ مُضْطَرَّةً لَأَنْ تَفْعَلِي
كُلَّ مَا يَحْبِبُهُ حَتَّى تَلْفَتِي إِنْتِباَهَهُ.. لَنْ تَكُونِي مُضْطَرَّةً لِقَرَاءَةِ كُتُبِ سِيَاسِيَّةٍ
وَتَارِيَخِيَّةٍ لَتَرْتَقِي لِمُسْتَوَاهُ الثَّقَافِيِّ.. وَلَنْ تَجْدِي نَفْسَكُ مُضْطَرَّةً لِمُشَاهَدَةِ البرَامِجِ
الإخْبَارِيَّةِ وَالرِّياضِيَّةِ لِتَكُونِي عَلَى نَفْسِكَ خَطَّ مَحَادِثَتِهِ الدَّائِمَةِ.. لَسْتِ مُجْبَرَةً
عَلَى فَعْلِ أَشْيَاءَ تَبْغَضِينَهَا مِنْ أَجْلِهِ؛ فَهُوَ لَا يَحْبِبُكُ.. إِذَا أَحْبَكُ حَقًا لَنْ يَعِيرَ
إِنْتِباَهَا لَأَيِّ شَيْءٍ سَوْيَ فَقْطَ أَنْ يَرَاكُ وَيَحَادِثَكَ كَمَا أَنْتِ بِلَا أَيِّ تَعْدِيلَاتِ.
– أَعْلَمُ هَذَا جَيْدًا.. وَلَكِنَّ أَنَا مِنْ أَحْبَبِهِ.. لَا أَرِيدُ مِنْهُ أَيِّ شَيْءٍ سَوْيَ أَنْ

يسمح لي بأن أظل موجودة في حياته.. أريده أن يسعد في صحبتي.. أريده أن يطمئنني عليه دائماً.

- وهل هذا سيؤدي إلى الزواج؟

- لا أعلم.. أراه حلما بعيد النال.. أنا لا أطمح إلى أن يبادرني مشاعري مع أنني أتمنى هذا.. ولن أطلب منه الزواج مع أنني أتمنى أن يشاركني حياتي..

- إبدأ لـم هذا كلـه؟!

- لأنـي أحـبه.

* * *

عجبـا لأـمر صـغـيرـتي لا تستـطـيع النـوم إلا في وـضـع السـجـود.

* * *

«لسـه الليـالي بـتدور عـلـيك»..

نـفـسي أـوي أـقولـهـالـك.. بـس يا تـرى هـتحـسـها؟

* * *

الـحـاجـة الليـ حـبـيـتهاـ فـيـكـ زـمانـ لـسـهـ مـوـجـودـةـ فـيـكـ، وـدـهـ الليـ مـخـلـينـيـ
لسـهـ باـقـيـةـ عـلـيكـ.

* * *

أكتر حاجة بحبها في شكلك مناخيرك؛ أصلها صغونة وبتتنفس.

* * *

my best friend

كم أفتقدك..

* * *

زعانة من قلبي إنه حبك وانت مش ليه..

لكن فرحانة بيه لأنه حب راجل بجد.

* * *

مش هنسى حضنك وانت مغطيني بكل ما فيك عشان تحمياني من

النار.

مش هنسى إنك ما فكرتش ساعتها في نفسك وفكرت إزاي تحمياني.

* * *

من غير ما تقولي بحبك.. وقتها أنا حسيتها.

واتمنيت أفضل جنبك.. وأفضل طول عمري أقولها..

* * *

my first love

كان اسمه.. حبيبي..

* * *

ما أنكرش إني بحبك بس بحب ربنا أكتر بكثير.. وعشان كده كان

لازم أسيبك.

* * *

أعشق أشيائي الخاصة ليس لأنها غالبة الثمن أو لأنها نادرة الوجود
ولكن لأنها فقط أشيائي.

* * *

عشت معه ليالي طويلة وذكريات جميلة.
كلها في خيالي.. ولم تحدث قط على أرض الواقع.

* * *

دخلت المكان بإرادتي في زيارة عابرة، ولكن حينما حدث الشغب
فوجئت بغلق أبواب الخروج ووقف ناس كثيرة قرب الأسوار لمنع الناس
من الخروج.. وقتها فكرت أن أخرج بأي طريقة حتى لو بالقفز من على
السور والدخول في معركة مع الشخص الواقف أمامي، لكنني وجدت
حبيب عمري الذي لم يبالني مساعري ولو لحظة واحدة هو نفسه
الحارس المسؤول عن منعي من الهروب وكم كانت سعادتي.. الآن لن
أهرب أو حتى أظهر امتعاضي واستيائي ولن أتحدث بالهاتف حتى يتم
إنقاذي سريعا.. بل سأقضى وقتني معك دون أن تتركني وتنصرف لأي
سبب؛ فوظيفتك الآن مراقبتي ومنعي من الهرب.. سأستمتع بإقامتي

الجبرية معك.. ما أجمله من سجن حينما تصبح أنت سجاني.

* * *

واحشني أوي إحساس أن يكون في حياتي رجل أسمع صوته وهو
بيكلمني في التليفون.

* * *

حينما يظهر الأصل فلا بد أن تختفي الصورة.
وانت طول عمرك الأصل وأي حد بعدك تقليد.

* * *

لم أتوقع شعوري بهذه الراحة النفسية حينما أرفض وجودك في
حياتي مجددا.

لم أتوقع أن أحزن لأنني حزنت عليك سابقا، لكنني توقعت أن أتعب
قليلًا.

كعادة نفسي تفاجئني بردود أفعال لا أتوقعها.

* * *

ما أجمل أن تحتاج التلميذة لاستاذها وتتجده يأتي لها دون أن يعلم
بحاجتها له.

* * *

الطهي من وجهة نظري عملية ممتعة للغاية، لكنني لا أحب
التجهيزات التي تسبقه والتشطيبات التي تليه.

* * *

هو بالنسبة لها الواقع اللي عايشاه اللي بتحلم معاه.

هو البيت اللي هترجع ليه وعيالها اللي شايلين اسمه.

* * *

إيه يعني لما تتقدم لخطبتي على مدار ست سنوات بمعدل مرة كل عام
وأنا أرفضك؟

كنت مفكرة نفسك أطول من كده.

* * *

بحبك لما بتتصرف معايا بما يملئه عليك ضميرك.

بحبك لما بتخاف عليًّ من نفسي.

* * *

ليته يرى ليقرأ ما كتبته له.. الذي يمنعني حيائي من قوله له
مباشرة.

* * *

حينما تسلمت رسالتك لي ليلة زفافي التي فحواها: «السباق اشتد

والجنة زينتوليكن شعارنا لن يسبقني إلى الله أحد» زادت شحنة إيماني وشعرت أنك هدية الخالق لي، فهذا هدي من الزواج (طاعة الله).. لا تعلم كم أزالت هذه الرسالة كل الخوف والقلق والتوتر الذي كنت أشعر به.. حقاً كنت بحاجة لها.

* * *

«محتجك» هي كلمة السر التي تجعلني أهرب لنجدتك حتى لو كنت في قمة وجعي وغضبي منك.

* * *

أحلى حاجة في إن حبي ليك باین علیّ.

* * *

حينما يأتي الربيع أكون في انتظارك.

* * *

مش مهم تكون بعيد عنِي المهم قلبك يكون معايا.

* * *

أعطي مساحتِي الواسعة ووضعي المناسب وانت تشوف إبداعاتي.

* * *

رغم وجعي الجسدي لكن قلقك على ونظرة الخوف اللي ملت عينيك

لما شوفتني نسيتنى أى ألم وبقيت حاسة إني لازم أبقى كويسة علشان ما
أشوفش النظرة دي في عينيك تاني.. أنا أصلاً عايشة علشانك.

* * *

شهر بحاله هتنبئه عليّ؟ من دلوقتي بدأت توحشني.

* * *

رغم صعوبة لحظة الولادة ومشقتها على النفس والجسد إلا أنها من
أمنع لحظات حياتي.

* * *

ما أجمل أن تجد من تحبه في انتظارك حين عورتك.

* * *

أجمل إحساس لما أكون في خروجة مع صحباتي وقاعة أكلمهم عليك
والأقيك بتتصل في نفس اللحظة اللي نطقت فيها اسمك علشان تطمئن عليّ.

* * *

وحينما أسمع كلمة «ماما» أشعر بأني ملكت الكون.

والتزمت الصمت

ليتنبي أستطيع الرحيل عنك.. فقد وجدت فيك ضالتي.. ولكن
تجاهلك لي يؤلني.

* * *

بفرح باتصالك وبزعل من كلامك لما بلاقيبني مش من ضمن اهتماماتك.

* * *

يراني حزينة وصامتة ويعتقد خطأً أني مريضة ولا يعلم أنه سبب
لهذا الحزن بتصرفاته المُهينة لي.

* * *

مانكرش إن كلامك بيهدبني لكن مش بيعالجني.. آسفة أقولك إني
لسه تعابة رغم كل كلامك.

* * *

وانسى اني أرجع تاني معاك زي الأول.

* * *

كان فيه حاجة ببنا وخلاص راحت.

* * *

ممك تحافظ علي أكتر من كده.. صدقني أنا حاولت كتير لكن مش
قادرة.. ماعدتش مررتاحه.. الفرحة اللي كانت جوايا خلاص راحت، وعيني
بقت حزينة.. مش معقول آجي معاك على نفسى.. نفسى ما تستاهلش مني
كده.. لو كنت مش فارقة معاك فأنا فارقة معايا.

* * *

كلماتك معايا وبعض تصرفاتك بتقول إنك بتحببيني لكن اعذرني
مش قادرة أكذب إحساسى.

* * *

أيوه ما بحبش أحتفل بعيد ميلادي لكن أحبك انت تتحفل بيه.

* * *

أراك تحاول جاهدا أن تخرجنى من داخلك.. ترى هل ستستطيع؟!

* * *

بكرهك لما بتستغل حبي ليك.

بكرهك لما ما بتقدرش ضعفي واحتياجي ليك.

بكرهك لما بتقسى علىً وانت عارف إن روحي فيك..

* * *

يلومني على اعتمادي الدائم على إحساسي ويتهمني بعدم الواقعية
ولا يعلم بأن إحساسي هو من ينبهني.. بتسليم موبایلی رسالة منه أو اتصالاً
لأنني دائمًا عاملة على الصامت.

* * *

وكل لبسي الجديد هلبسه بعدك لمين؟

* * *

زي ما أنت اتفاجئت بطلبي للطلاق أنا كمان اتفاجئت بسرعة تنفيذك
للإجراءات.

* * *

ليت ما بيننا دبلة كنت خلعتها ونهيت الموقف في صمت لعلك تفهم
ما أحديته بداخلي.. ليت ما بيننا عقد كنت مرقته وألقيته في وجهك لتتعلم أن
الاتفاق الذي كان بيننا لا غيّا من هذه اللحظة.. ولكن للأسف ما بيننا مجرد
كلمة شرف أنا ما زلت أحترمها وأنت تناسيتها.

* * *

ما هو ما ينفععش أرتبط بيك بس علشان أنت ما قزعلش.

* * *

اللي بینا ما كانش صداقه هي كانت محاولة وثبت فشلها عند
تعرضنا لأول موقف وأزمة حقيقة.

* * *

عارفة إنك ما بتحبنيش وإن كلامك معايا جبر خواطر مش أكثر.

* * *

علمت بوصوله إلى أرض الوطن بعد غياب استمر طويلاً وانقطعت
أخباره عنها.. وحينما علمت أنه يسأل عنها ليتأكد من أنها لم تغير رقم
هاتفها.. توقعت أن تصلكها رسالة فورية منه نصها: «وحشتيني يا فريال».
لكنه خيب أملها وأرسل لها في اليوم التالي رسالة نصها: «كل سنة وأنتِ
بخير». غضبت من هذا الأسلوب وصرخت قائلة: «ومين قالك إني بخير؟
وبعددين هي إيه المناسبة؟ ولم ترد عليه؛ فرسالته الرسمية لها جعلتها لا
تفهم مازا يرويد! حاول الاتصال بها في اليوم التالي عدة مرات، لكنها أبىت أن
ترد عليه وانتظرت أن يرسل لها أي رسالة تطالعها بأن ترد عليه، لكنه لم
يفعل ولم يعاود الاتصال. وبعد أسبوع جاء يوم رأس السنة ورأى العالم كله
يحتفل فانتظرت الساعة الثانية عشرة بفارغ الصبر لعلها تحظى منه برسالة
نصها «happy new year»، لكنه كالعادة خيب أملها ولم تحصل منه

على شيء.. وهنا فقط تذكرت أنه قد مات بداخلها منذ أن تركها وسافر دون وداع. تذكرت كم حزنت عليه.. وتذكرت أيضاً أن الموتى لا يعودون.

* * *

حبي الأول والأخير كان حباً أفلاطونيا صامتاً، وكمان من طرف واحد.. فلك أن تخيل كم عذابي وقتها.

* * *

لم أكن أحتاج أكثر من إنك تطمنني عليك.. حتى سؤالك عن حالتي لم يحدث كان رفاهية لم أطبع فيها يوماً.

* * *

كان نفسي وأنا معاك أشوف وشك الحلو بدل ما كنت دايماً مصدرَ لي وشك الخشب.

* * *

كان نفسي تكون موجود علشاني مش بس علشان بتلاقي راحتك معايا.

* * *

الحياة مراحل وأنا مرحلتي في بيت أهلي انتهت.. أنا عارفة إن الزواج مش حل لكنه مرحلة جديدة أنا محتاجة أعيشها.

عمرى ما فرحت بييك أنا بس كنت بعيش اللحظة.

مش هي دي لمسة إيديه.

ولا هي دي نظرة عينيه.

ده واحد تاني أنا معروفوش.

أنت أول حزن حقيقي في حياتي.. وبعدك توالى الأحزان.

أسهل حاجة بتعرف تعاملها إنك تزعلني.

وأكثر حاجة بتتنسى تعاملها إنك تصالعني.

كم أتمنى أن تكتب عن إحساسك بي الآن وسابقا.. عاوزة أعرف
شاييفني إزاي.

بشكوك لأنك فوقتنى وعرفتنى إنك ما حبتنيش.

يكفيني إنك ما خدعتنيش.

* * *

ما زلت تبهرني بقدرتك الفذة على نسياني.

* * *

احتار الأطباء في علاجي وتشخيص حالي؛ فهم لا يعلمون أن جلدي
احترق من ألم الفراق، ولذلك عليك أن تعلم أنك مدین لي بثمن علاجي.

* * *

ما زلت أعاني توابع خروجك من داخلي؛ فقد تسببت بحدوث عاهة
مستديمة في جسدي تظاهر بوضوح حين يؤلمني أحد.

* * *

كن مطمئناً فلن أسمح بوجودي في حياتك مجدداً.

* * *

أردت مساعدتك والوقوف جوارك بل والدفاع عنك أيضاً في الوقت
الذي يتهمك فيه الجميع وما كان منك سوى أن نعنتني بالغباء.. تصدق عندك
حق.

* * *

حبيت أبويا فيك.. شوفت شبابه فيك.. فقره وعزّة نفسه.

إيده الخشنة الحرفية.. مش إيد ناعمة طرية.

علمه وسعة أفقه.. حتى قساوته علىَّ.

وتجاهله الكامل ليَّ.

* * *

هو أنا لسه بحبك ولا إيه؟!

* * *

يا ترى انت وهم أنا عايشاه ولا حقيقة مستنيها؟

* * *

عمره ما كان كوييس معايا.. أنا بس اللي كنت عايزه أعيش.

* * *

هو أنا ليه لسه ببعث رسائل لإيميلي اللي ضاع.. رغم أنني عارفة أني

مش هقدر أدخل عليه تاني؟!

وليه مش راضية أشتري حاجة زي حاجتي اللي اتسرقت وأقول ما

أنا عندي وناسية إن احتمالية رجوعها كل يوم بتقل وإنها بجد ما عادتش

عندي؟!

وليه مش راضية أقطع صور زفافي رغم طلاقي من سنين مع إنني ما

بحبشب أحتفظ بأي ذكرى تربطني بحد خرجته من حياتي للأبد؟!

ليه فيه حاجات كتير بتهمون عليًّا وأقدر ببساطة أستغنى عنها؟ وليه
بتمسك بحاجة خلاص ما عادتش في إيدي؟

– لأنك دايماً بتحبي تكوني صاحبة القرار الأخير وكل اللي بتقولي
عليه حاجات افترضت عليكي.

* * *

فاكر لما قلت لك زمان إنك عندي في غلاؤة دموعي.
وفاكر لما اترجيتك تفضل محافظ على مكانك جوه عيوني.
وفاكر لما قلت لك إني بحاول إن دموعي ما تنزلش لأنها لو نزلت مش
تعرف أرجعها تاني.
طيب ما سمعتش نصايحي ليه؟

* * *

– كده برضه أستناك تيجي لي في الحلم وما تجييش؟

* * *

– أنا متصالحة مع نفسي لكن متخاخصمة مع الدنيا.

* * *

متى أتلقي التهاني على أي حاجة حلوة تحصل في حياتي؟

* * *

أستطيع الهروب لكنني أجيد فن المواجهة.

* * *

فرق كبير بين اللي رماني في البحر وهو عارف اني ما بعرفش أعوم
وبين اللي خرجني منه سليمة.

* * *

كانت تصرخ من شدة الألم طلباً في الغوث، وحينما اشتد الألم أكثر من
طاقتها ولم يأت الغوث لاذت بالصمم ولتتجرع قهرها صامدة بلا مبالاة.

* * *

كن كثيباً وكفى.. فهذا سيجعلني أكثر كآبة منك.. فأنت مصدر
سعادتي.

* * *

هل من الضروري أن أسقط مغشياً علىَ لتقروا حجم معاناتي في
السير؟

هل من الضروري أن أصرخ لتقروا حاجتي للعلاج؟

هل من الضروري أن أبيكي لتقروا رغبتي في المواساة؟

هل من الضروري أن أطلب حلوى ونزهة لتقروا رغبتي في الاهتمام؟

هل من الضروري أن أشكو حالياً لتبعدوا عن مسامعي كل ما يثير

ضيق؟

عذرا لن أسقط ولن أصرخ ولن أبكي ولن أطلب ولن أشكو. فقط
سأعتزلكم.

* * *

ما أغرب هذا الوقت الذي أخرج فيه للنزهة في صحبة طبيبي
النفسي.. ولو رأنا أحد من بعيد سيعتقد خطأً أننا عاشقان وأنه يحاول
مصالححتي وترضيتي وأنا أسوق الدلال.. كم تمنيت أن أخرج للنزهة مع من
سأرتبط به وأنا في كامل رونقي وصحتي النفسية والجسدية.. طبيبي النفسي
أشفق عليك حقا فأنت تحاول جاهدا معي أن تخرجنني من حالة اكتئابي
الحاد وأنا أريد ألا أخيب أملاك حقا، خاصة أنك تتعامل مع صنم متحرك بلا
صوت.. فالآن مثلا أريد أن أرسم على وجهي ابتسامة باهتة امتنانا مني على
مجهودك معي.. ولكن تأبى عضلات وجهي الانصياع لأوامر ي وتنظر ملامحي
جامدة خالية من أي تعبير.. عذرا طبيبي لم يعد لدي رغبة في الحياة.

* * *

مفكريّي سليمة وممكّن يستندوا عليّ وما يعرفوش إني آيلة للسقوط.

* * *

انت مش واحشني على فكرة أنا بس محتاجة وجودك.

* * *

قبل زواجي ما كانش فارق معايا لو حد من العملاء في شغلي قالي يا
مدام و كنت بقول: هي يعني الكلمة هتلزق؟
والآن بعد طلاقني لا أطيق سماع هذه الكلمة.. فأنا لم أسمعها أثناة
زواجي؛ نظراً لقصر فترة الزفاف حتى أسمعها الآن فهي تذكرني بخيبة
أملني.. لكنني لا أجد غضاضة في أن القُبَّ بانسنة ولَمْ لا؟ هل زيجتي هذه
ستحسن على رغم ما كان فيها من شفاء؟!
ثم أنا الآن لست «مدام» لأحد، إِذَا لا يصح أن تُقال لي.. يقولون مدام
فلان وأنا ليس لدىَ فلان.. إِذَا فالأظل آنسة لحين إشعار آخر.

* * *

أي عرييس بيتقدم لي بيكون بمثابة التنفس الصناعي لحياتي الربانية.
ولكنني لم أعد بحاجة إلا لقبلاة الحياة من شريك حياتي المنتظر حتى
تدب الروح في جسدي من جديد.

* * *

كان زمان طموحاتي إني ألف العالم.
ودلوقتي بقى أقصى آمالي إني أتزوج وأقعد في البيت.
واضح إن الزمن هدني.

* * *

«يا غايب ليه ما تسأل على أحبابك اللي يحبونك..

تبعد عني وتنساني..

محتاجك جنبي ترعاني..

تنسيني همومي وأحزاني..».

كلما سمعت كلمات هذه الأغنية تذكرتك.. فقد كنت تهديها لي دائمًا

أيام الجامعة.

والآن أتمنى أن أهديها لك لكنني لا أستطيع.

صديقي المفضل كن بخير..

رغم افتقادي لك لكنني ما زلت أتذكرك دائمًا بكل الخير.

ترى هل ما زلت تذكريني أيضا رغم فراق السنين؟

* * *

أيوه عايزةك بس ما عدتش بستناك.

* * *

يا حبيبتي ! لسه موجوعة من طلاقك رغم مرور قراية ثلاثين عاما.

توقعـت إنـ الزـمـنـ مـمـكـنـ يـنـسـيـ وـيـداـويـ.

عندكـ حقـ لأنـ خـاطـرـكـ ماـ اـتـجـبـرـشـ.

* * *

ليها حق حماتي كانت تغير مني.. أنا دلوقتي بس عرفت ليه.
لما بشوف بنوته أصغر مني والمستقبل بتاعها هي ولسه قدامها..
وبلاقي إني لي الماضي.
لما بشوف شعرها الأسود.. وأنا شعري بقى فيه كتير أبيض.
لما تقدر تمشي وتجري كمان.. وأنا صحتي بقت على قدي.
لما تكون لسه بريئة وما تعرفش الدنيا.. وأنا الدنيا علمت على
بمصابيبها.
لما تكون متفائلة وملينة بالنشاط والحيوية.. وأنا شايفة الدنيا على
حقيقةها.
لما تكون لسه بتقدر تحلم وعندها القدرة على تحقيق حلمها.. وأنا
خلاص خلصت كل حاجة.
لما يكون جسمها لسه حلو ووجهها من غير تجاعيد.. وأنا الزمن باين
على جسمي وعلى وجهي.
لما تقدر تلبس أي حاجة تحبها لأن كل حاجة هتليق عليها.. وأنا
لبسي بقى محدود في العبايات سواء جوه البيت أو براه.

* * *

تصرفاته كتير ما بتعجبنيش لكن لما قالي إنه هيسافر ما افترتش
غبير حبه لي اللي أكيد هفتقده في بعده عنـي والـلي بالـنسبة لي أجمل مـيـزة
والـلي طـفـى عـلـى كل عـيـوبـه.

«الـحـاجـاتـ الـأـكـثـرـ وـالـمـؤـثـرـةـ هيـ اللـيـ بـتـسـتـمـرـ وـتـطـغـىـ عـلـىـ أيـ حاجـةـ
ـتـانـيـةـ».

* * *

كان زمان ذكرياتي معـاكـ بـتـوجـعنيـ..ـ دـلـوقـتيـ بـقـتـ بـتـضـحـكـنـيـ.

كان زمان رائحتك تجعلـنيـ منـتبـهـةـ فقدـ كـنـتـ أـخـشـىـ منـ روـيـتـكـ بعدـ
فرـاقـناـ إـذـاـ ماـ اـطـمـأـنـتـ لـعـدـمـ وجـودـكـ فـيـ المـكـانـ وـأـنـهـ مـجـدـ مـصـادـفـةـ روـائـحـ أـجـدـ
نـفـسـيـ لـأـسـطـبـعـ الـوـقـوفـ عـلـىـ قـدـمـيـ وـتـخـذـلـنـيـ أـعـصـابـيـ..ـ أـمـاـ الـآنـ فـرـائـحـتـكـ
تجـعـلـنـيـ أـبـتـسـمـ.

واضحـ إـنـكـ أـخـيـراـ بـقـيـتـ جـوـاـيـاـ مـجـدـ ذـكـرـيـ عـاـبـرـةـ.

* * *

بعدـ فـرـاقـ دـامـ سـنـوـاتـ كـثـيرـةـ،ـ وـعـلـىـ حـيـنـ غـرـةـ منـيـ أـرـاكـ فيـ منـامـيـ
تـأـتـيـ لـيـ فيـ حـلـمـيـ لـتـخـبـرـنـيـ بـأـنـكـ تـعـانـيـ مشـكـلـةـ شـبـيـهـةـ بـمـاـ أـعـانـيـهـاـ وـيـتـمـ عـنـاقـ
أـصـابـعـ كـفـيـنـاـ..ـ لـأـدـريـ أـيـ كـفـ تـمـتـ مـعـانـقـةـ أـصـابـعـهـاـ..ـ هـلـ كـفـيـ الـيـمنـيـ أـمـ
الـيـسـرـىـ!

لكن ولأول مرة سواء في صحوي أو في منامي تلمسني.. وبغض النظر
عن أن النية كانت إننا في الهم سواء أو أشاطركم الأحزان.. لكن برضه لمستني.
وحينما صحوت من نومي أصابني الغيظ وسألت نفسي : ليه أفضل
أحب شخص هو مش فاكر أصلا إني مريت في حياته؟!

* * *

بتقولي إنك لأول مرة تخصصي الدعاء لحد تاني غير نفسك لما
حبيتيه.

وأنا لما حبيته بطلت أدعى لنفسي وبقيت أدعى له هو وبس.
بتقولي إنك بتدعى إنه يكون معاك دنيا وآخرة.
وأنا دعائي له أنه يكون سعيد حتى لو مش معايا.

عايزاه يكون أب لأولادك ويكونوا شبهه.
أنا يكفيوني أكون موجودة في حياته حتى لو من بعيد.
بتنتلي كلام من الجروبات على الفيس بوك وتهديه ليه.
أنا إحساسي بييه هو اللي كشف جوايا موهبة الكتابة.
ليكي حق تحبيه ما هو كمان بيحبك.
لكن أنا حبيبتي عمره ما حبني.

* * *

على فكرة أنت مدين لي بنجاحك لأنني ياما دعيت لك.
تعرف.. كنت عايزه أكون أول واحدة تهنئك وتبارك لك.
لكن مش من حقي حتى إني أراسلك.

* * *

- هو اللي بيدخل القلب ممكن يخرج منه؟! ما أظنـش.. هو بس
مكانه بيتعـير بدل ما بيكون في الصدارـة بيصبح مخفـي بعيدـاً عن الأنـظـار..
وطبعـاً بـنـحاـول نـعيـش بـعـده وـنـأـلـم نـفـسـنا عـلـى الـوـضـع الـجـدـيد ولكـنه يـظـلـ
متـرـبـعاً عـلـى عـرـش القـلـب فـي مـكـان خـفـي..

- يعني ممكن يكون بينـهم حـيـاة من قـانـي؟

- صـعب.. تخـيل إنـك بـتـفـتح بـاب غـرفـتك لـتجـده فوقـ الدـوـلـاب ظـاهـراـ
وـواـضـحـاـ كـحـقـيـبة سـفـر كـبـيرـة تـمـلـأ سـقـفـ الغـرـفـة وبعدـ مـحاـولـات مـضـنـية وجـهـدـ
خـرـافـيـ تستـطـيع أنـ تـدـخـلـه الدـوـلـاب وـتـضـعـ عليه مـلـابـسـ كـثـيرـة لـدـرـجـةـ أنـ تـنسـىـ
وـجـودـهـ كلـما فـتـحـتـ الدـوـلـاب.. ثمـ فيـ مـحاـولـةـ منـكـ لـإـعادـةـ التـرـتـيبـ تـجـدهـ سـاكـنـاـ فيـ
مـكانـهـ المـخـفـيـ.. سـتـبـتـسـمـ لـهـ وـتـحنـ لأـيـامـهـ، لكنـكـ لـنـ تـحاـولـ أنـ تـخـرـجـهـ مـنـ هـذـاـ
المـكـانـ لأنـكـ تـلـمـ جـيدـاـ كـمـ المـجهـودـ الـذـيـ بـذـلتـهـ لـتـضـعـهـ فـيـ هـذـاـ الرـكـنـ الخـفـيـ.

* * *

شكلـهـ بـيـحـبـهاـ بـجـدـ.. بـيـخـافـ عـلـىـ زـعـلـهـاـ.. بـيـقـدرـ مـشـاعـرـهاـ.
مـسـتوـعـبـ غـيرـتهاـ.. بـيـعـشـقـ طـفـولـتهاـ.. بـيـسـتـحـمـلـ غـضـبـهاـ.

يا بختها بيه.

* * *

جرحك لي علمني أسماح الناس وما أزعليش منهم ولا أنام وأنا شايلة من حد.. أصل جرحك عدى الحدود، ثقب القلب ونفذ إلى جدار الروح فأي جرح بعده يهون.. الناس بطبعها مش ملايكه وهما بيعاملوا معايا لكن طبيعتك الشيطانية جعلتني أصفح عما يقترون به بحق؛ فهم مجرد بشر.

* * *

أي واحدة ساذجة كان ممكن تصدق اللي بيعمله وتعتقد إنه حب بجد.. ما يعرفش إن الزمن علمني أفرق بين الحب الحقيقي والمزيف.. لكن يا ترى ليه بتعمل معايا كده؟! عايزة مني إيه؟! ما البنات حواليك كتير وسهل أوي تاخذ منهم كل اللي انت عايزة.. عايزة تنتقم مني علشان رفضتك، ولا عايزة تذلني يوم ما أضعف وأحبك؟!

* * *

أيوه حبيته.. حبيته وهو لا يمتلك من حطام الدنيا سوى طاقم واحد يرتديه صيفاً وشتاءً.
حبيته وهو ما زال طالباً ومستقبلاً لم يظهر له ملامح.
حبيته وهو لا يجد قوت يومه.

حبيته وهو يسكن في مكان رديء بالنسبة لي.

حبيته وهو لم يدعني بأي شيء ولم يطمئنني ولا حتى بكلمة.

حبيته وأنا أعلم استحالة ارتباطي به.

حبيته وهو لم يعزمني يوما على كوب شاي.

حبيته وكنت أتمنى أن أعطيه ما أمتلك من نقود ليعيش حياة هو جدير

بها.

فماتجيشه دلوقتي وتنقولي إنك بتحبيه بعد ما بقى قدامك بيده وملوه
هدومه وله مكانته الاجتماعية.. لو كنتي هتحبيه كنتي حبيته من زمان..
من الأول خالص.. كنتي ساعتها هتحبيه هو.. مش هتحببلي اللي هو وصل له
دلوقتي.

* * *

بفهم رسائلك جدا حتى لو ما وجهتليش كلام.

* * *

طول الوقت بتقولي: «أنا بحب خطيبتي».. انت متأكد إنك عايز
تقول لي الجملة دي ولا عايز تفكيرها لنفسك طول ما انت معايا.

* * *

كان لازم يكون عندي أمل علشان أقدر أعيش.. وأملني إنك هترجع لي
بعد غياب السنين.

* * *

إزاي يعدي يوم من غير ما تسألني عملي إيه النهارده وكان يومي
عامل إزاي؟!

* * *

أنا أضعف مما تتصور بكثير وكلماتي الدمعة لك هي الكلمات التي
أتمنى أن أسمعها ليطمئن بها قلبي وتهداً بها نفسي.. أقولها لك بصوت عالٌ
لأسمع نفسي أولاً، فطالما لا أجد من يطمئنني فلاقيم أنا بهذه المهمة من
خلالك.

* * *

أشتاق لأنوثتي.

* * *

زعانة منك لإنك جيت علي علشانها.

* * *

ما توعدنيش بحاجة، فقطنفذ مباشرة.. لا أريد أن أسمع كلمات قد
لا تستطيع تنفيذها ووقتها ستسقط من نظري، لكنني سأستمتع بمفاجأتك لي
حينما تفعل شيئاً مخصوصاً لأجلي لم أكن أعلم عنه شيئاً.

* * *

واضح إني ما كنتش محتاجة أكتر من إني أشوفه واتكلم معاه حتى لو
ما قالش أي كلمة يصالحني بيها ، بس وجوده هداني وغير حالي النفسية ،
وده في حد ذاته مستغريـاً في نفسي ومضايقـني .. يمكن لأنـي ما قلتـش كل
الكلام اللي كنت عايزة أقولـه وأعاتـبه بيـه بـس دـه لأنـه ما اـديـنـش فـرـصة لـلـكـلام
وكانـ كلـ ما آجي أـتكلـمـ معـاهـ فيـ نقطـةـ مضـايـقـانـيـ يـاخـدـنـيـ لـمـكانـ تـانـيـ خـالـصـ
وـاستـمـرـيـناـ كـدـهـ لـغاـيـةـ ماـ شـتـتـ تـركـيـزـيـ وـسـابـنـيـ وـمشـيـ ..ـ كانـ معـيـ كالـسمـكـةـ لاـ
أـسـطـيعـ الإـمسـاكـ بـهـ ..ـ وـمعـ ذـلـكـ هوـ ماـشـيـ وـأـنـاـ ماـ عـدـتـشـ زـعـلـانـةـ منهـ !ـ

* * *

كلـماـ رـأـيـتـ رـقـعـةـ الشـطـرـنـجـ تـذـكـرـتـ التـحدـيـ بـيـنـنـاـ ،ـ وـمـنـ يـومـهـاـ لـمـ
أـمـارـسـ هـذـهـ الـلـعـبـةـ خـشـيـةـ أـنـ أـفـوزـ فـتـعـزـلـ الـلـعـبـةـ لـلـأـبـدـ.

* * *

كـانـتـ زـاهـدـةـ فـيـ الـحـيـاةـ وـتـقـضـيـ مـعـظـمـ وـقـتـهـاـ فـيـ الصـيـامـ وـالـصـلـاـةـ وـقـراءـةـ
الـقـرـآنـ ،ـ وـكـانـتـ تـعـكـفـ فـيـ غـرـفـتـهـ بـالـأـيـامـ ،ـ وـحـينـمـاـ أـنـقـذـ حـيـاتـهـ شـابـ فـيـ
مـقـتـلـ الـعـمـرـ أـحـبـتـهـ وـأـحـبـتـ الـحـيـاةـ وـلـمـ تـعدـ تـقـضـيـ وـقـتـهـاـ وـحـيـدةـ دـاـخـلـ
غـرـفـتـهـ ،ـ بـلـ أـصـبـحـ عـنـدـهـ هـدـفـ قـوـيـ لـتـحـبـ الـحـيـاةـ وـتـسـمـتـ بـحـمـالـ
الـطـبـيـعـةـ ..ـ المـأسـاةـ أـنـ الشـيـطـانـ تـرـصـدـ لـهـاـ وـأـخـرـجـهـاـ مـاـ كـانـتـ فـيـهـ لـتـقـعـ فـيـ
الـرـذـلـةـ وـلـمـ تـنـفعـهـاـ عـبـادـتـهـاـ فـهـيـ لـمـ تـكـنـ بـدـافـعـ الإـيمـانـ بـقـدرـ مـاـ كـانـتـ بـدـافـعـ

عدم وجود ما يثير في الحياة.

* * *

لما بتغريب عليّ وترجع باخد وقت على ما افتكرك.

* * *

أنا من كتر زعلني منك مش قادرة أتكلم معاك ولا حتى أاعتباك.

* * *

فقدت رغبتي في التحدث إليك، وأصبحت أبذل مجهودا خرافيا مع
نفسى لأفعلها.

* * *

رسائلك لي في مرضي على قد ما فيها من اهتمام لكنى اعتبرتها
واجب أو رد جميل مش أكثر.

* * *

لما أقول إني محتاجة حد ببقى محتاجاك أنت.

ولما أقول إني عايزه معايا حد ببقى أقصدك أنت.

* * *

يومي مالوش طعم علشان ما كلمنيش فيه، ومش عارفة إزاي هنام
كده.. حاسة إن اليوم ضاع على الفاضي.
106

* * *

حينما قلتني لي «سامحيني» كنت وقتها بفكر جدياً أكتب عن كل السلبيات اللي عملتني معايا، ولكن بعد طلبك للسماح وجدت أن دليل عفوتي هو عدم كتابة ما كنت أنوي كتابته.

* * *

– أنا في أمس الحاجة لابتسامتك في وجهي، فأرجوك لا تبخل عليًّا بها.

* * *

أرجوك قل لي أخباراً حلوة أو امتنع تماماً عن إخباري بأي شيء.

* * *

– عندك نعم كتير انتي مش حاسة بيها، وغيرك كتير يتمناها
فحافظي على نعمة ربنا ليكي.

* * *

– لو طلبتني الحب من شخص المفروض أنه بيحبك اعرفي أن العلاقة بينكم في طريقها إلى الزوال.. فالحب الحقيقي ما بيتشحتش.

* * *

– وستظل حبي الذي ولد في النور والذي لا أخجل منه رغم موتك
البطيء بداخلي.

* * *

ما زلت أتذكرة عقلك العبقري وأفتقد وجوده أوقاتا كثيرة.

* * *

- لا تخاصمني دون أن تعاتبني أولا لأن في الغالب هتكون ظالمني.

* * *

- أوقات كتير يكون البُعد إجباري مش اختياري.

* * *

- كلما رأيت شبيهك في التلفاز تذكري وابتسمت لكنني لست نادمة على فراقك.

* * *

أفتقد صوت رنة هاتفني وهو يخبرني باتصالك به.

* * *

أيوه بحبك بس ما عدتش بلاقي نفسى معاك.

* * *

أيوه بغير بس مش منها ولا عليه ولكن حزنا على نفسى اللي ما
لقيتاش حد يحبها كده.

* * *

يمكن أكون مشتاقة ليك.

يمكن أكون محتاجة ليك.

يمكن أكون بحن ليك.

لكن الأكيد إن عمري تاني ما هبقى ليك.

كيد النساء وأشياء أخرى

– بيّني وبيّنك خط أحمر إذا حاولت الاقتراب منه فستفقدني للأبد.

* * *

– لضمان تذكرني الدائم لك عليك الوجود في حياتي بصفة مؤثرة
وبطريقة إيجابية.

* * *

– أحلى حاجة إنك عرفتني إني مش في دماغك أصلا وإنك عمرك ما
هتساعدني فهذا جعلني أبدأ أخيرا بمساعدة نفسي.

* * *

– إذا أعطيتك مفتاح باب شخصيتي ومع ذلك وجدتك تحاول الدخول
من النافذة فلا تلمني إذا سدلت عليك جميع طرق الوصول إلىَ.. فإذا لم
تعاملني كما أريد ستري مني ما لا تريده.

حبك لي هيبان في معاملتي ليك.

- حاول أن تقبل طباعي الغريبة كما هي؛ فالطبع لا تتغير.

- تسلم «موبাযلي» الآن رسالة باردة رغم احتواها على كلمة
«بحبك».

قالت: هو لما يقولي «بحبك» المفروض أصدقه؟!

قلت: المتهم بريء حتى تثبت إدانته.

أستمتع برؤيتك وأنت تزعم أنك من فعلت الأشياء التي تثير ضيقني
خشية عليها مني.. أجاريك في دفاعك الواهي عن نفسك وبداخلي يقين قوي
 بأنها الفاعلة الحقيقية.. فمعرفتي القوية بشخصيتك وشخصيتها تجعلني
أتخيل الأحداث التي جرت في غيابي.

من مصلحتك أنك تبقي على صحوبيتنا علشان يوم ما خطيبك يسيبك

ويجيلى أرفضه وأقوله: ده أنت كنت خطيب صاحبتي.. لكن بعماليك دي
يوم ما هيسبك ويجيلى مش هيكون عندي مبرر قوي لرفضه.

* * *

أعترف بأنى قبلة للكسر وعلى من يتعامل معى أن يتroxى الحذر
ليس لكي لا يكسرنى ولكن لكي لا يتعرض لمخالبى الشرسة التي سأنهشه
بها إذا ما اقترب.

* * *

أيوه بحب شغلي بس بحب نفسي أكثر، وعلى أتم استعداد لتركه لو
حسيت إني متضايقه فيه.

* * *

اللي بيبني وبينك حرب باردة وكل واحدة فينا فاهمة الثانية كوييس
اوي من غير ما نوجه لبعض ولا كلمة.

* * *

- شايفه بيحبنـي إزاـي لدرجة تخلـيه عـايـزنـي أـردـ عـلـيـه بـسرـعـة
بـالـموـافـقـة عـلـشـانـ بيـجـيـ يـنـقـدـمـ لـيـ معـ أـهـلـهـ؟
- وـلـيـهـ ماـ تـقـولـيـشـ إـنـهـ بـيـعـملـ كـدـهـ عـلـشـانـ ماـ يـدـيـكـيـشـ فـرـصـةـ تـفـكـرـيـ؟
- هوـ أـنـاـ مـحـتـاجـةـ أـفـكـرـ معـ كـلـ لـهـفـتـهـ عـلـيـ؟ـ!

– لو ما فكريش دلوقتي في مشروع عمرك اللي هو زواجك هتفكري
إمتنى؟ و بعدين عرييس الغفلة ده أنا عارفاه كويس، ده شخص مزواج وكل مرة
اتزوج فيها كانت بنفس الطريقة، يبنّج الضحية اللي هي العروسة المنتظرة
بكلامه المعسول وبلهفته عليها وبرأحنة عطره الفواحة واتصالاته ورسائله
المستمرة إلى أن يتم الزواج وبعدها البنج بيروح والضحية تفوق وتكشف إنها
عاشت أكبر خدعة في حياتها، وده سر زواجه السريع لأنه عارف إن لو أي
واحدة فكرت بجد استحاللة ترضي بيها كزوج.

* * *

عايز تسمع صوتي دلوقتي علشان يحببيك؟
طيب ما أنت بعده عندي زمان موتنى.

* * *

طبيعي ما حسش بأملك وبشكوتك من عدم قدرتك على الارتباط بالبنت
اللي بتحبها.. طبيعي أشوفه مجرد إحساس عابر ومع الوقت هيروح.. أصل
ما حدش بيموت من الحب.. ما تقولش إن قلبي قاسي وما بحسش إنت ناسي
يوم طلاقي ووجعي يومها كان قد إيه؟ وقتها استهترت بمشاعري وقلت لي
يا ما بيحصل والطلاق دلوقتي موضة.. أهو أنا دلوقتي بقولك أيام وهتعدني
وهتبقى تفتكرها بعدين بس ما تطلبيش مني أوأسيك.. أنا آخر حد ممكن يقوم

بالمهمة دي لأن اللي اتكسر جوايا ما اتصلخش وبقيت أشوف إن دي النهاية
الطبيعية لأي اتنين يكونوا مع بعض.. فما تستغرنيش.

* * *

لم تشعها نفسيا ولم تسد جوعها العاطفي.
بل كنت تضغط عليها دائما مطالبها بحقوقك الوهمية.
فكان طبيعيا أن تلفظك من حياتها بعد أن نفذ رصيده سريعا لديها.

* * *

«مش عايزة غيرك أنت».
عنيتها لك أيوه.. وحسست كل كلمة فيها.
لكن دلوقتي فيه تصحيح بسيط وهو إنه ما كانش فيه غيرك أصلا
علشان اختار.

* * *

- كم أحقرك حينما تستغل وهني الجسدي والعقلي والنفسى
لصالحك.. هل تعتبر هذه حقا رجولة؟!

* * *

- ما تلومنيش ولا تعاتبني على رفضي الرجوع ليك.. ما تننساش إنك
انت السبب.

انت اللي كسرت كل الجسور اللي كانت بيئاً قبل ما تمشي.. ما
سيبتش ولا جسر واحد أقدر عن طريقه أرجع ليك.
رجوعي ليك مخاطرة أنا مش قدها.

* * *

لو عايزة أعرف أخباره هعرفها، لكن هو ما عادش يهمني.

* * *

هو انت لسه نفسك فيِ؟!

هو انت لسه هتموت علىِ؟!

أحسن.. خليك كده.

* * *

بتغيري عليه مني ليه؟! ما تخافيش، مش أنا اللي آخد حاجة مش
باتاعتي ولا أبص لحاجة حسيت إن فيه حد عايزةها.

رغم عدم إعلانك عن حبك له لكن كل حاجة فيكي بتقول إنك بتحبيه
وكمان بتغيري عليه ومني أنا تحديداً.

بتقولي عليَّ رقيقة دلوعة مع إنني ما بقصدش أكون كده.. تفتكري
بقى لو قصدت فعلاً هتعملني إيه؟

* * *

خليك عايش في الوهم لوحرك إن ليك حبيبة مستنياك وتنمنى

.سعادتك.

خليك معتقد إن ليك عليّ حقوق مع إن ما لكش عندي حاجة.

طلبت مني إني أدعيلك وأنا كنت خلاص نسيتك، لكن بما إنك

طلبتها يبقى لازم تنولها.. روح منك الله.

* * *

«معقول فيه حاجات بتموت وتيجي الصدفة تحبيها؟».

- لأن طبعاً، اللي بيموت عمر ما فيه حاجة ممكن تحبيه، يكفي أنه

خلاص مات.. اللي بيصحى ذكرى جوانا وما بتاخذش وقت كبير مع ابتسامة

باهته وبترجع لمكانها الطبيعي في قاع الذاكرة..

* * *

خلاص يا سيدى تقبلت أسفك، لكن من فضلك أعطى لي وقتاً حتى

أصفى تماماً من جانبك.. فكلمة «آسف» بالنسبة لي ليست زراً سحرياً بعدها

تعود الحياة سريعاً كما كانت.. فقط دعني قليلاً كي أصالح نفسي عليك.

* * *

طبعاً لازم أكره الكورة.. أحبها إزاي وهي واحداك مني؟!

* * *

أوقات كتير ببقى عايزة أبعت لك حاجات شبهك «رحمه» عشان

تعریف بس انى لىسه فاکرالك.

10

طعنة خنجرك في ضهوري لسه موجودة وبشوفها مع أي حد باقي على زوجته مهمًا تكون خاطئة.

ما يثير جنوني أني بالفعل لم أفعل لك شيئاً يثير غضبك أو حنقك
عليّ.. عمري ما خنتك.. عمري ما هنتك.. عمري ما أذيتك.. عموماً لك مني
البشاره؛ فكل دقة في قلبي لسه بتدعني عليك.

10

أستمتع برأيهم قتلي حولي، وهذا جزء من يقترب من صومعتي.

10

أبوه اتخطيت لغبك بعد ما اتآكدت ان عم نا ما هنكون لبعض.

لکنی، کنت بتعامل معاہ و کأنه انت.

قلت له كل الكلام اللي كان نفسى أقولهولك.

حلمت معاه الأحلام اللي اتمنيت أعيشها معاك.

أهديت له الأغانى، اللي، ياما غنيتها لك بيبي، وبين نفسى،

أ، سلط له الـ سائل اللـ اـ تـمـنـيـت إـنـكـ تـقـ أـهـاـ.

حتى لما فسخت خطوبتي حزنت عليه كأنه إنت.
هو الواقع اللي أنا عيشته لكن إنت الحلم اللي اتمنيته.
قادم العالم هو حبيبي.. لكن قدام قلبي إنت وبس.
ستظل حبي المُحرّم الذي لا أستطيع حتى التفوه باسمه.

* * *

أنا عارفة إنك مش هتسأل عن غيابي.. لكن يا ترى إنت عارف إنني
مش هعاتبكم !

* * *

بعد ما كنا قريبين أوي أصبحنا بعيد أوي، وهذا يدل على أنني كسبت
التحدي مع نفسي حينما قلت يوماً: «وو يوم ما أقدر أبعد عنك أنا هبعد أوي».

* * *

ما بقتش أزعـل منك خلاصـ.
أزعـل من اللي متعشمة فيهـ.
أزعـل من اللي يستاهـل زعلـيـ.
أزعـل من اللي زعـليـ يفرقـ معـاهـ.
عرفـتـ بـقـىـ ما بـقـتشـ أزعـلـ منـكـ لـيهـ؟

* * *

ما تسألني عنه أصبح في قاع الذاكرة، فلا تحاول أن تنبش فيه حتى
لا يطفو على السطح؛ فهذا ليس في صالحني ولا في صالحك.

* * *

- ما قصدتني أعمل حاجة تزعلك.

- لا إنت قصدت اللي عملته بس ما توقعتش إن ده هيزي علني أوي
كده.

* * *

دعنا نتفق على أن الصدفة وحدها هي من تجمعنا، وأنك لم تتقبل
عنه السؤالعني في غيابي، فلماذا تريدينني أن أجيبك حينما تسألني عن حالتي
الآن؟ هل يهمك حقاً إجابتني، أم أنه مجرد فضول، أم أنه مجرد سؤال
تقليدي؟!

ولولا الصدفة ما سألتنني.

ولولا تقديري لذاتي لأجيبتك.

* * *

كم تمنيت كثيراً أن أهوي بالمطرقة على مؤخرة عنقك حتى أهشمها
 تماماً، ولكن حال بعده عنك عن إتمام هذه الأمنية.

* * *

– أحلى حاجة في رجوعك ليَ إنك قتلت فيَ أي حنين كان جوايا ليك.

* * *

طالما استعرضت قوتك عليَّ لأنك تعلم أن لا حول لي ولا قوة فقد كنت سجاني.. استغليت ضعفي الداخلي ووحدتي وغربتي وهشاشة حالتي وعملت لي غسيل مخ، ثم أقيمت بي في الطرقات.. والآن وبعدما استعدت قوتي وحربيتي وصلابتي الداخلية أرجو أن يسعفني الزمان لتحدث بيننا مواجهة حقيقة لأنك درساً مفاده أنه ليس من القوة أن أهزم خصمي وهو مكبل بالقيود..

أعلم أنك بداخلك تخشاني، ومحاولاتك السادية معي كانت بسبب عقد النقص بداخلك وبإحساسك الأبدى بأنك لن تستطيع هزيمتي.. الآن قسماً بربى إذا التقيتك لأسحقك بقدمي كالصرصار.

* * *

ترتاح حين ترمي حمولك فوق كتفيَّ وتنسى توسلاتي لك بآلا تفعل، فلم تعد قواي تقدر على حملي حتى أضيف إليها حمول الآخرين، والنتيجة وقوعي بحملي وحملك، ولم أجد كالعادة من يأخذ بيدي على النهوض، وسائل في هذا الوضع حتى أضغط على نفسي لأقوم متكئة على لا شيء.

* * *

تستيقظ فجأة على صوت رنين محمولها منبها إياها بتسليمها رسالة
نصية.

تفتح عينيها لتقرأ فحوى الرسالة.

«ما بترديش ليه يا حبيبتي؟ إنتي وحشتيني أوي وعايز أسمع
صوتك».

ترد بداخلها قائلة: ده مش مبرر علشان أرد عليك.. وتكمel قراءة
بقية الرسالة: «مش هنام غير لما ترمي عليّ».
تقول بلا مبالاة: خليك صاحي.
وتغلق موبайлها وتتنام في هدوء وسلام.

* * *

جعلتني راجل.. ده حقيقي، لكن ما قدرتش تمحي أنوثتي.

* * *

كلما مررت ببابي أصابتنى وعكة صحية.. ترى هل هذا نذير شؤم
لوجودك في حياتي أم أنها مجرد صدفة تتكرر كثيرا؟

* * *

جعانته حنان وحب واهتمام فلا تستعجب شراهتي.. فنقطة الماء لا
تروي الظلمآن.

* * *

عندی ليك ملیون سؤال بس كوني أسائلهم لك ده شيء مُحال.

* * *

أنت سرقت زوجي وأنا سرقت ابنك.. نبقي خالصين.. والبادي أظلم.

* * *

لم أحتج أكثر من ساعات قليلة حتى أنساك.

* * *

«لازم من اللي أنا دقته يدوق»..

أيام خطوبتنا كنت بفضي نفسي دائمًا علشانك.

كنت مُتاحة لك طول الوقت.

عمرك ما اتصلت ووخدتنى نايمدة أو مش موجودة أو حتى مشغولة.
ولما كنت تزعل مني بدون سبب ألاقيك تقلل تليفونك أو ما ترضاش
ترد عليّ.

دلوتي بعد ما فسخنا الخطوبة عايزة ترجع تلاقي معاملتي ليك زي
ما هي؟!

انسى انك تلاقيني مُتاحة ليك تاني.

دوق يعني إيه تبقى عايزة تطمئن علىّ وتسمع صوتي وتلاقيني ما
بردش عليك.

ما تلومنيش فالبادي أظلم.

الخلاصة: عمري تاني ما هبقى ليك.

* * *

لامحة حيرتك وشايفاها..

وعارفة قد إيه نفسك تلاقي موضوع يجذبني لأتحدث معك.. لكن
مفيش في إيدي حاجة أعملها لك لأن فيه حاجات تتحس وما تتقالش.
فنهایة البُعد.. دائمًا جفا.

* * *

أخيراً تطهر موبايلي من اتصالاتك وتطهرت أذناي من كلماتك.
حياتي في بُعدك أحلى كتير، فأرجوك خليك زي ما كنت بعيد.

* * *

ووجدت في قائمة أصدقائه على الفيس بوك إحدى معارفها التي عرفتهم عن طريق الفيس بوك.. وقررت تتخانق معاه ولكنها قالت لنفسها: وهو ذنبه إيه؟ هو رجل كأي رجل آخر، صورة البروفايل باسمه ممكن جداً يغروه، لكن العيب عليها هي أنها تقبل إضافة راجل ما تعرفوش.. وحينما هدأت ذهبت إليه لتسأله عن هذه الفتاة.. فلم يتذكر اسم هذه الفتاة وحينما قصت عليه أنها صديقة مشتركة.. هنا تذكر وأخبرها بأنها هي من أرسلت له

الإضافة وأنه وافق لأنها من ضمن قائمة أصدقائك.. طلبت منه حذفها..
فحذفها من عنده بلا اكترا.

* * *

- خلاص نسيتني؟

- لاً فاكراكي ببس الدنيا يا ستي تلاهي.

* * *

زمان كنت أشعر بأملك مهما حال بيننا المكان ولم يكن يغمض لي جفن
من قلقى الدائم عليك، ولا أستطيع النوم والحياة عموما إلا بعد أن تطمئنني
عليك، والآن فقط صدقت خروجك من داخلي.. فلم أشعر بشيء يؤلمني حينما
علمت بإصابتك بطلقة نارية.

* * *

كنت أتنفس رائحتك باستمتاع وأبحث عنها في الهواء حتى أستطيع
مواصلة عملية التنفس.. الآن إذا شممت رائحتك مصادفة أصابني الغثيان.

* * *

إخلاصي لك لم يكن حبا فيك، ولكن لأن الإخلاص والوفاء من
طبيعي.. وابتعدادي عنك لم يكن كرهًا فيك ولكن لأنك لم تعد تستحق
وجودي في حياتك.

* * *

- ما صدقتش إنها كانت خطيبتك وما زالت عذراء.. فـسُمعتاك لا تبشر بخير لأي فتاة كانت بحوزتك، ولذلك تعاملت معها على أنها خاطئة.
- براءتها وطهارتها منعوني من أني أنسنها بأفعالي.
- يعني أنا طلقتها وشوهرت سُمعتها وطعنت في شرفها بالباطل..
- وأنا بشكرك لفعلك لأنني أحق بيها منك فأنا عارف قيمتها وأقدر أصونها وأحافظ عليها.

في نفس هذا التوقيت تقول بداخلها وهي تجلس وحيدة تتذكرهما:
«ليتنبي أمليك زمام الأمور حتى أحكم عليكما بالنزع داخل حلبة للمصارعة لا تنتهي إلا بقتل أحدهما الآخر، وقتها سيكون هو الفائز بي ولكن بداخلني أتمنى أن تقتلا بعضكما البعض حتى أكون أنا المنتصرة الوحيدة؛ فالدنيا لا تسعنا جميعاً أحياء».»

* * *

المشكلة أنك عايز تغضض معايا وأنا مش عايزه أسمع.

* * *

«أي واحدة ممك تضعف قدام حبيبها ده شيء أكيد». إذا كنت تعتمد

في التعامل معها على هذه الجملة وما فيها من احتياج المرأة لإشباع غريزتها، مما يعطيك الحق أن تظهر وتختفي هكذا من دون مقدمات، فأنت لم تعلم بعد أنها غير أي أنتى تعرفت عليها من قبل؛ فهي رغم ضعفها قوية ورغم د ساعتها شرسه وعليك أن تفك مرارا قبل أن تحاول الاقتراب منها فهي عنيدة ولا تغفر لمن أرادها أن تأتي له ذليله.. فالحياة علمتها أن الحب يعني الكرامة.

* * *

مبن قالك إنه عايز واحدة ناجحة وموهوبة.. إذا كان هو أصلا فاشل.

* * *

في صراحة ليك تقدير أنت ما تستاهلهموش.

* * *

عنن على كمان فأنا هتعب وانت اللي هتدفع تمن علاجي في الآخر.

* * *

هرفضك لأنك شبهي : طيب بغياء.

* * *

عايزني أكتب حاجة عنك على اعتبار إنك حاجة ما حصلتش.. وما تعرفش إني لو كتبت هعرليك قدام نفسك وقدام الكل.. ها.. لسه عايزني

أكتب؟! عندك الشجاعة الكافية لده؟ لو كده بجد عرفني وأنا في ثانية أكتب
كل حاجة.

* * *

شكراً لاهتمامك ولسؤالك وبإذن الله مردودالك.

* * *

بكلمة منك ممكن تديها الأمل في الحياة لما تحس إنك لسه عايزها
وبتحبها.

* * *

ما تدييش الأمان لصاحبتك أوي كده مع خطيبك.. انتي مش شايقة
بيخاف عليها ازاي وبيتعامل معها كأنها من بقية عيلته، ده حتى لو
قربتها العلاقة بينهم مش هتكون قوية كده.. فوقى بقى وبلاش تقربيهم من
بعض أكثر من كده.

* * *

من كتر ما بتتكلميوني عن حبيبك وغيرتك عليه نسيت إنك مخطوبة
لغيره!

* * *

وانشي لما تعطي كل الحاجات في الخطوبة بعد الزواج هتعطلي إيه؟!

صوتي اللي كان فرحان باتصالك طبيعي ما عادش موجود.

في بعدي عنك أنا مرتاحه أكثر.

حتى لو كنت لسه عايزني أنا بقى ما عدتش عايزاك.

مش معنى إني اعتذر لك وقدمت لك فروض الولاء والطاعة إنك
تفضل تعاملني كده بتعالي ولا مبالاة.. أنا مش مُلزمة أصالحك.. أنا بس
بعمل بأصلني معاك.. فما تقليش أصلك معايا واتعدل.

«مش هيلاقي واحدة زبي تستحمله».

خدوعة أنت أيتها المرأة، فكل النساء يرددن هذه الجملة وعن اقتناع
تام.

مش معنى إني ما طالبتش بحقي إني نسيته أو مسامحالك فيه، أنا
بس بشوف آخر.

* * *

كان لازم تفهم إن جوايا طاقة عمل لو ما عملتهاش في شركتك طبيعي
عملها في شركة تانية، ما هو مش أنا اللي تقعدها على دكة الاحتياطي بعد
ما كانت كابتن الفريق.

* * *

بلاش تتعاملني معايا بدهاء لأنني فاهماكي كوييس وبلاش حجة إنك
بتطمّنني على لأنني عارفة إن هو اللي بعنتك وعايز يعرف أخباري من خالك.

* * *

بعدى عنها ده اتقاء شري ليها، فما تخليهاش تلعب في عداد
زواجهما منك وتعمل مشكلة اني ما بشوفهاش وخليها في حالها أحسن.

* * *

المرأة مثل الوردة إذا لم تسقّها بحنانك وحبك واهتمامك ستذبل
سريرا.

منابر نسائية

حنان مفتقد

تعلم أنه يحبها، فحبها يسكن قلبه بالفطرة فهي حاملة لاسمها في سجلاتها وحاملة لملامحه في وجهها.

لكنها تريده أن تشعر بذلك، فهو يحبها بطريقته الخاصة التي تتمثل في توفير حياة مرفهة بالنسبة لها وتأمين مستقبلها بأموال في البنك باسمها. لكن هذا لا يساوى الكثير في نظرها مقابل حضن دافئ تشعر به وهي في صدره أو تربيتها على كتفيها في ضيقها أو حضن دافئ قبل النوم أو كلمة حانية تعبر عن قيمتها لديه.

تريده أن يكون صديقها الذي يحكى لها أحداث يومه ويشاركها أحداث حياتها ليصحح لها ما تعتقد من آراء خاطئة، تريده خبراته في الحياة لتكون عوناً لها، تريده أن يتعرف على حياتها وكيف تديرها ومن هم أصدقاؤها ومدى علاقتها بهم. تريده أن تشعر باهتمامه بها.

تريده أن يكون مستشارها الخاص، كما تتمنى أن تكون سكرتيرته الخاصة الحاملة لأسراره والمسئولة عن شئونه في جميع الأحوال.

لا يعلم أن ارتماءها في حضنه في أي موقف سواء كان بالفرح أو الحزن
أغلى عندها من كنوز العالم.

فلمَّا نبخل على من نحبهم بكلمات لعلنا نرحل قبل أن يعلموا
بقيمتهم لدينا؟

صعبان عليٌّ

على قد ما اتمنيت اني أشوفك جاي لي تاني و بتتمنى قربـي ..

على قد ما اتمنيت أشوفك ذليل مكسور ..

على قد ما اتمنيت أشوف قلبك مجروح زي ما جرحي ..

على قد ما اتمنيت تكون في نفس مكانـي و تدوق من نفس الكاس اللي
شربتهولي من تجاهـل ولا مبالـة ..

على قد ما اتمنيت إنك تعرف قيمـتي وإن مفيـش حد في الدنيا حـبك
قدي. وإن جـنتـك في الدنيا كانت معاـيا أنا.

لكن بـجد دلوقـتي صعبـان عليٌّ :

إنك تدعـي على نفسـك لو أنا ما رديـتش عـليـك وأـنا ما تأـثرـش.

لـأنـك جـيت مـتأـخر أوـي.

لـأنـك مش عـارـف توـصلـي.

لأنك بتسلمني قلبك في وقت ما عادش يلزمني فيه.

لأنك معتقد إن بُعدك عني طول السنين اللي فاتت ما غيرنيش وإنني

لسه زي ما سبتنبي بلا تغيير !

لأنك مش عارف إني خلاص أخذت على بُعدك.

صعبان عليّ إني أشوفك كده وما أقدرش أعملك حاجة.

لأنني مش حاسة بكل كلامك الجميل اللي ياما اتمنيت أسمعه زمان.

لأنني أشوف رقمك بيتصل وما أردش عليك.

لأنني مش عايزه أريحك بكلمة.

لأنني ألاقي حد بيقول إنه بيبحبني وما أوقفش أرتبط بيها.

لأنني ما كملش حياتي مع أول رجل في حياتي.

لأنني معاك فقدت إحساسي بالأمان.

لأن حياتي من غيرك أحلى.

لأنني أعطيتك فرصةأخيرة ولم تحسن استغلالها.

لأن كل الشواهد ضدك.

لأنني ما أقدرش أتحدى حد بيكل.

لأنني محتاجة حد يقعني بيكل.

لأنني مرتاحه بعذابك.

لأنني مش بفتدرك بجد غير لما بشوفك.

لأنني بقىت أنطق اسمك دلوقتي عادي.. وأسمع اسمك برضه عادي..

وأشوفك برضه عادي.. لأنني حقيقي نسيتك.

خايفة ومشتاقة

على قد ما أنا مشتاقة لرؤيتك لكنني مطمئنة عليك طالما أنت بداخلي..

لا أضمن الدنيا وتقلباتها وماذا ستفعله بك.

خايفة عليك من غدر الزمن، خاصة في هذا الجو المليء بالحروب

والغلاء والبطالة.

خايفة ما أقدر شأوف لك كل اللي بتحلم بيها.

خايفة ما أقدر شأعطيك كل اللي يحتاجه.

خايفة حياتك تصير بطريقة عكسية عما أريدها.

خايفة ما تكونتش لي زي ما بتنمي.

لكنني أ وعدك بأنني سأظل أحبك أبداً ما حبيت.

أ وعدك إني هربيك على الطريقة الإسلامية وكما أمرني الله ورسوله.

أ وعدك إني هحسن اختيار اسمك.

أوعدك إني حاول جاهدة أختار لك أب صالح تتبااهي به وتشكرني
عليه.

أوعدك إني هوفر لك كل الرعاية اللازمة من جانبي.
أوعدك بأدك ستفتخر بكوني أمك.

أنا وسمسمة

كم أفتقدك يا صغيرتي..

كم أفتقد روبيي اليومية لك..

كم أفتقد خروجنا سويا..

كم أفتقد قيادتي لك وطاعتك لي.

أعترف بأنني قسوت عليكِ أحياناً كثيرة.. وجعلتك تذهبين لأماكن لا
تليق بمستواكِ الاجتماعي الراقي.. وحملتك ما لا طاقة لك به..
وتسبيبتي في أن يتحرش بكِ الكثير..

اعذرني فأنت أول فرحتي ولم أكن أعلم كيفية المعاملة المُثلّى معكِ،
لكنني حقاً أحببتك بصدق واعتبرتك بمثابة أحد أفراد أسرتي.

ولذلك لم أتوقع أن تتركيني بهذه السهولة..

كيف استطعت أن تذهبين مع غيري؟! كيف سمحت لغيري أن

يتعامل معك ويقودك بهذه البساطة؟! أين انتماؤك لي ! ! أم أنك حقا رغبت في
الفوار مني؟!

لن ألومك يا صغيرتي، فقد يكون ذهابك مع غيري تم دون رغبتك،
لكنني حقا أفتقدك..

وكم أتمنى أن أنظر من نافذتي لأجدك واقفة مكانك.. أو على أقل
تقدير أراك تسيرين من بعيد، وحيينما تقتربين من منزلك أجده تقفين
رافضة الحركة وتقومين بالتفير حتى ينفك المارة وتعودي لسكنك الأصلي
تحت مسكنى.

لم أنسلك كما يتهمني البعض، ولم أ Yas في عودتك كما يراني البعض
الآخر.

أنا فقط أتجرع مرارة فقدك في صمت.

أخيراً شووفتني

جلس جوارها وهي نائمة على فراش المرض.

فقال لها مداعياً: "صحتك ما لها بقت ضعيفة كده ليه؟.. مش تقومي
علشان نخرج مع بعض ونتغدى بره الأكلة اللي بتحببها؟"
لم ترد عليه، لكنها تذكرت أحداث زواجهما قرابة أربعين عاماً وكم
كانت في ريعان شبابها وبكامل صحتها.

وكم كانت تخدم حمها وحماتها دون كلل أو شکوى، بالإضافة إلى
مهام بيتها وأسرتها وأطفالها.

وكم كانت تقوم بالعزومات لأقارب زوجها حتى وهي لسه والدة
وحين زواج ابنها الكبير هي من قامت بالطبخ والتنظيف دون الحاجة إلى
طباخ كما يحدث عادة في أفراح العائلة.

وكم فعلت كل هذا بحب وتفان دون أن تسمع كلمة شكر واحدة من

زوجها.

وكأنه لم يكن يرى كم تتعب في خدمة الصغار وخدمة أمه وأبوه اللي كانوا معاهم في نفس البيت، بل كان غالباً يتشارج معها إذا ما عاتبته على زيارة أخيه الكبير وخاله وقت الغدا دون إذن مسبق، مما يجعلها تقدم لهم ما كانت ستؤكله لأطفالها فهي لم تعمل حسابهم في الغدا.

وكم ضيع أحمل أيام حياتهما في خصام لأنها لم تعمل صنفاً معيناً يعلم أن أمه تحبه دون أن يهتم بصحبة زوجته وكأن واجبها الأول والأخير هو خدمة أبيه وأمه ورعاية الأطفال.

كم كانت تأخذ أدوية كثيرة ولم يكن يهتم سوى بأن يقول لها: "إنتي مبسوتة بالأدوية ولا إيه؟ ما كفاية كده.." .. لدرجة جعلتها تخجل أن تطلب منه أن يشتري لها الدواء!

ياه.. جاي دلوقتي عايزنا نخرج؟!

كنت فين زمان لما كنت في شبابي وكنت ياما بتحايل عليك تخرجنني أنا والعيال وكنت دايماً تقول ما ليش مزاج أو أنا مش مهياً نفسياً؟
دلوقتي بعد ما بقىت جداً وصحتي خلاص بقت على قدي خالص جاي عايزني أخرج؟!

دي لو آلة كان زمانها باظلت من بدري.

– “أنا جايب لك الفاكهة والحلويات اللي بتحببها”.

تقول بداخلها : ياه بعد إيه؟ كنت زمان في صحتي ياما طلبت منك
و كنت بتجيبي بس بتسيبهم عند أمك وأنا والعیال مش مهم.

– ”فاكرة لما كنت بتسلفيني تمن أي خروجة لينا أيام الخطوبة؟..
فاكرة لما كنت بجييك في عز الشتا عشان أشوفك أيام الخطوبة؟.. فاكرة يوم ما
طلبت إيدك للزواج وقد إيه كنت خايف ليرفضوني لأنني مش من مستواكم؟..
يلا قومي بقى.. الدنيا بتشتت وانتي بتحببي الجو ده.. ولا أقولك
خدبني جنبي.”.

وأزاح الغطاء عنها قليلا ليجلس جوارها.

ابتسمت قائلة : ياه أخيرا شوفتنى.

بأمانة أشكرك

- لأنك أخيراً أطلقت سراحـي فلم أعد أحـمل اسمـك بعد الآـن.
- لأنك لم تـصبح أباً لأـولادـي.
- لأنك علمـتـني كـيف أـعيشـ منـ غيرـكـ.
- لأنك عـودـتـني عـلـى غـيـابـكـ وـعـدـم الـاعـتمـادـ عـلـيـكـ فيـ أيـ شـيءـ.
- لأنك علمـتـني أـنـ أـكونـ الرـجـلـ وـالـمـرأـةـ مـعاـ.
- لأنك جـعـلـتـني أـنسـاكـ قـبـلـ الانـفـصـالـ الفـعـلـيـ، فـحـقاـ لـمـ أـعدـ أـتـذـكـرـ
مـلامـحـكـ.
- لأنك درـبـتـني جـيدـاـ عـلـى أـعـيشـ حـيـاتـيـ منـ دونـكـ فـلـمـ أـعـانـ مـراـرةـ
الـفـرـاقـ الفـعـلـيـ.
- لأنك بـيـنـتـ ليـ مـعـدـنـكـ وـمـعـادـنـ جـمـيعـ منـ حـولـيـ.
- لأنك لمـ تـتـرـكـ ليـ ذـكـرـيـ وـاحـدـةـ تـجـعـلـنـيـ أـتـمنـيـ عـودـتـكـ.

- لأنك علمتني دون أن تقصد قيمة أشياء كثيرة.
- لأن ما مررت به بسببك جعلني أقوى وأنضج.
- لأنك لم تعد موجودا في سماء حياتي.
- لأنك أنت الجاني ولست أنا.
- لأنك خلصتني من حياتك بكل ما فيها من أشياء تعارض ديني.
- لأنك نبهتني لاستحالة أن أحيا ملاكا بين البشر.
- لأنك رجعتني إلى بيت أهلي، فوجوسي بينهم لا تعادله كنوز الدنيا.
- لأنني نجوت بنفسي وفررت بديني.
- لأنني بدأت أتنفس هواء نقبا خاليا من سmom أنفاسك.
- ولكنني أعدك بأنك ستندم على الباقي من عمرك.

عمری ما هاسامحک

- لأنك لهوت بأصدق نبضاتي.
- لأنك خنت ثقتي فيك.
- لأنك خيبت أملني فيك.
- لأنك صحيت في جراحي وووجتها بالمقارنة بك نعمة.
- لأنك لم تقدر تصحياتي من أجلك واعتبرتها حقا مكتسبا.
- لأنك جعلتنني أفقد الثقة في كل من حولي.
- لأنك تركتنني أتنزوق مرارة غدرك.
- لأنك أخذت مني كل شيء.
- لأنك تعمدت أن أكره حياتي معك.
- لأن خطة غدرك كانت مدبرة وبدهاء شديد.
- لأنك تعمدت إيدائي وإهانتي.

- لأنك جعلتني أضحوكة لآخرين.
- لأنك استنزفوني.
- لأنك عاملتنى كجارية.
- لأنك تناسيت آدميتي.
- لأنك تركت لي قلبا جريحا لا أعلم كيف أداوته.
- لأنك تركت لي جسما حزينا يتوجع.
- لأنك تركتنى على شفا حفرة من الانهيار.
- لأنى مش عارفة أرجع لحياتي السابقة قبل دخولك فيها.
- لأنى تحملت معك فوق طاقتى.
- لأنى ما زلت أدفع ثمن إخلاصى لك.
- لأنى اشتريتك حتى على حساب كراماتى وانت بعنتنى.
- لأنى صدقت كذبك.
- لأنك عبشت بي وبمشاعرى.
- لأنك سمحت لهم بأن يقتحموا حياتي.
- لأنك سمحت لهم بانتهاك خصوصياتي.
- لأن في الوقت الذي كنت ببلعالك فيه الرلط كنت تتمنى لي الغلط.

- لأنك لم تحافظ عليًّ.
 - لأنك عملت على إضاعة ممتلكاتي الغالية.
 - لأنك نقضت كل العهود والمواثيق، وكأنها لم تكن.
 - لأنك أسكنتنني في بيت كبيت العنكبوت فكان سهلا القضاء عليه.
 - على دموعي اللي بقت تنزل زي الحنفية من أقل سبب.
 - على كل المواقف المريرة التي مررت بها بسببك ومن أجلك.
 - على عمري الذي يضيع وأنا ما زلت.... مع إيقاف التنفيذ.
- غلطتي إني عملتك لحياتي فارس ونسأيت إن زمن الفرسان انتهى.

ما أريده من الرجل.. وما لا أقبله

- * أريده قوي الشخصية بحيث يجبرني على الخضوع لأوامره وأنا في قمة عنادي دون أن يأمرني بذلك.
- * أريده واثقا من نفسه بحيث يستطيع التحكم في انفعالتي وإخمام ثورة برakan غضبي بلمسة واحدة. حتى لو هىتوقف غضبي بصورة مؤقتة.
- * أريده حنونا بحيث يحتويني بذراعيه وقت حزني ويترك لدموعي الانسدال على كتفيه كما تشاء دون أن أطلب منه ذلك.
- * أريده يفضل قربي دايما حتى في ساعات الزعل والخصام، وكأن ضمه لي بكل حنان خارج نطاق الزعل.
- * أريد أن أستمد منه قوتي وشقيقي بنفسي وشجاعتي الداخلية على المواجهة دائمًا.
- * أريده قائدا بحيث يقود دفة حياتي وأنا واثقة بأنه يستطيع

التحكم في كل شيء.

- * أريده رومانسيا بحيث يفاجئني بهدية جميلة حتى لو كانت بسيطة وقليلة الثمن لمجرد أن يراني سعيدة.
- * أريد أن أرى حبه لي بالأفعال وليس بالقول فقط.
- * أريده متحدثاً جيداً بحيث يُسمعني بأجمل كلام وأشعر معه بأنني لم أسمعه من قبل.
- * أريده ذكياً يعرف الفرق بين الوقت الذي أريده فيه أن يحترم خصوصيتي وانفرادي بنفسي، والوقت الذي يقتصر عليه خلوتي حتى لو أظهرت رفضاً مصطنعاً.
- * أريده أن يقتصر حياته ويحتويني ويجبرني أن أذوب عشقًا في هواه.
- * أريده أن أشعر معه بأنني لي ظهر وسنوات على كلامه كما أريد، فهو صامد لن يقع.
- * أريده أن يدافع عني من أمامي ومن وراء ظهره.
- * أريده أن يحترم وجودي في حياته.
- * أريده مثابراً يأخذ القرار سريعاً دون الشعور بعدها بالندم.
- * أريده قدوة طيبة ومثلاً أعلى يُحتذى به في كل شيء.

- * أريده ناضجاً ليستطيع التحكم في مصير حياته وصحته ومستقبله دون الرجوع إلىَّ.
- * أريده أن يحترم حيائي ولا يتغوه أمامي بأي لفظ بذيء حتى لو بيحكي مشهد من فيلم كوميدي.
- * أريده أن يستطيع نزع ابتسامتي في قمة حزني، ويأتي لي باحتياجاته الخاصة دون أن أطلبها، وأن يكون مسؤولاً عنِّي.
- * أريده أن يفهمني دون أن أُبرر تصرفاتي دائماً، وأن يعرف الفرق بين متى أقول الكلام بهزار ومتى أتكلّم بجد.
- * أريده أن يحكى لي كل شيءٍ عن يومه ويسأله عن يومي ويكون بيننا حوار شيق لا ينتهي.
- * أريد أن أستمتع بضعفِي بين يديه.
- * أريده أن يشاركني هواياتي ويجعلني أشاركه هواياته.
- * أريده يغار علىَّ لكنه واثق فيَّ.
- * وأخيراً أريده أعقل مني ولكن مجذون بيَّ.

ولكنني لا أقبل منه:

- * لا أقبل كلمة «نسبيت»، فهي بالنسبة لي عذر أُقيح من ذنب.

- * لا أقبل التجاهل واللامبالاة لما أقوله أو أريده أو لما يسعدني بصفة عامة.
- * لا أقبل الكذب، فهذا داء ليس له دواء.. قولٌ الحقيقة حتى لو هتوجعني.
- * لا أقبل الخيانة.. ستترك شرخاً يصعب إصلاحه.
- * لا أقبل مظهرك الرديء في البيت وهنداشك خارج المنزل.
- * لا أقبل أن أسمع من غيرك كلمة في يوم قلتها لك.
- * لا أقبل أن تشارك الآخرين بكل ما تسمعه مني وتدخل في حياتي الآخرين.
- * لا أقبل أن أصبح في حياتك مجرد مدير منزل.
- * لا أقبل أن أتحدث إليك أو أرسل إليك برسالة وأجد صمتك هو الرد.
- * لا أقبل وجود وسيط بيني وبينك، فما تريده إخباري به قوله لي مباشرة.
- * لا أقبل رسائل على «الموبايل» مرسلة لألف قبلي وهرسل لألف بعدي.. عايزه رسالة لا يوجد فيها كلام موزون، عايزاه كلام ارجالي بإحساسك وقتها، فما يخرج من القلب يصل إلى القلب.

- * لا أقبل أن تشعرني بأنك من السهل أن تتنازل عنِي و تستبدل بي أخرى.
- * لا أقبل أن تتدخل في أدق خصوصياتي بطريقة تعضبني ، خاصة إذا ما نبهتك لهذا.
- * لا أقبل رفضك لهواياتي و قهرك لرغباتي و اسكاتي دائمًا و كأن لا صوت يعلو على صوتك.
- * لا أقبل أن أحتج لوجودك و حضنك و لأن أسمع أرق الكلمات ولا أجده فأضطر أطلبها بنفسي.
- * لا أقبل أن تعاملني كأني أقل منك أو كتلميذة فاشلة أو كبنت صغيرة بتربيتها أو كخادمة غبية.
- * لا أقبل العصبية الزائدة في أبسط المواقف أو حتى أعقدها.. فهذا لن يحل شيئاً.
- * لا أقبل الدعابات السخيفية ، خاصة إذا ما نبهتك لهذا.
- * لا أقبل أن تقارن بيني وبين غيري تحت أي ظرف ومهما كانت الشخصية.
- * لا أقبل الصوت العالي في التحدث معِي أو أمامي بصفة عامة.
- * لا أقبل أن تطلب مني أن أتعامل معك بأسلوب أنت نفسك لا

تعاملني به.. فمن معاملتك لي سأتعلم كيف أتعامل معك.

* لا أقبل عدم الاهتمام بأسماء صديقاتي مثلاً وفجأة أجده تسؤال وبالتفصيل وكأنه تحقيق، فلا تنتظر مني أن أرضي فضولك بما أنك لم تهتم منذ البداية.

* لا أقبل أن تكون مملاً وروتينياً وسلبياً.

* لا أقبل أن تستنزف قوتي وصحتي مقابل أناانية مفرطة من جانبك.

* لا أقبل أن يجعلني أفقد روحي تدريجياً وأصبح مجرد جثة متحركة.

* لا أقبل البعد بلا مبرر.

* لا أقبل حنث الوعد، بدل مش قد الكلمة ما تقولهاش.

* لا أقبل شكلك فيّ وتجسسك علىّ، وبالقابل لا يجعلني أشك فيك بتصرفاتك الريبة.

* لا أقبل أن تتعامل مع ممتلكاتي الخاصة كأنها حق مكتسب دون الرجوع إلىَّ.

* لا أقبل أن تخفي عنِّي أشياء خاصة بك، خاصة إذا وضحت أهمية ذلك عندي.

* لا أقبل أن أتلقي منك أوامر على تنفيذها من دون مناقشة.. فعليك

أن تثق في نضوجي العقلي والفكري وفي أنني لن أفعل شيئاً يسيء إلى ذاتي أو إلى ديني.

* وأخيراً ممكناً أقعد مع حد ما بيحبنيش بالدرجة اللي أنا عايزها،
لكن استحالة أقبل أعيش مع حد ما بيحترمنيشه.

* مش مهم يكون بيحبني المهم يكون بيحافظ على مشاعري وما
يجرحنيش.

التعريف بالكاتبة

منى ياسين عبدالغفار

اسم الشهرة: موناليزا

بكالوريوس علوم وتربيـة – جامعة المنصورة

مُدرسة رياض أطفال

صاحبة مدونة أمـة الله

نبذة عن الكاتبة:

من رحم الصبر ولدت
وفي طاعة الله نشأت
وعلى حب الله ترعرعت
وباليقين في الله عاشت
وبرضا الله حلمت
وبالأزمات نضجت
وبالإيمان تحلت
وبالإصرار والإرادة أصبحت
(أمّة الله)

* * *

للتواصل مع الكاتبة:

Monaliza110@facebook.com

www.monaliza110.blogspot.com

الفهرس

إهداء

مقدمة

قالوا عن «خبايا نسائية»

عارف يعني إيه؟

انهيار دمعة

اغتيال فرحة

صرخة غضب

أجمل إحساس

والتزمت الصمت

كيد النساء وأشياء أخرى

مشاعر نسائية

حنان مفتقد

صعبان علىٰ

خايفة ومشتاقة

أنا وسمسمة

أخيراً شوفتني

بأمانة أشكوك

عمر ي ما هاسامحك

ما أريده من الرجل.. وما لا أقبله

التعريف بالكاتبة

نبذة عن الكاتبة